



韓文卷之六

古詩

符讀書城南

木之就規矩在梓匠輪輿人之能爲人由腹有詩書詩書
勤乃有不勤腹空虛欲知學之力賢愚同一初由其不能
學所入遂異間兩家各生子提孩巧相如少長聚嬉戲不
殊同隊魚年至十二三頭角稍相踈二十漸乖張清溝映
汙渠三十骨骼成乃一龍一豬飛黃騰踏去不能顧蟾蜍
一爲馬前卒鞭背生蟲蛆一爲公與相潭潭府中居問之
何因爾學與不學歟金壁雖重寶費用難貯儲學問藏之
身身在則有餘君子與小人不繫父母且子魚不見公與

相起身自犁鋤不見三公後寒饑出無驢文章豈不貴經
訓乃蓄畚潢音黃潦無根源朝滿夕已除人不通古今馬牛
而襟裾行身陷不義况望多名譽時秋積雨霽新涼入郊
墟燈火稍可親簡編可卷舒豈不旦夕念爲爾惜居諸恩
義有相奪作詩勸躊躇

示爽

宣城去京國里數逾三千念汝欲別我解裝具盤筵日昏
不能散起坐相引牽冬夜豈不長達旦燈燭然座中悉親
故誰肯捨汝眠念汝將一身西來曾幾年名科揜衆俊州
考居吏前今從府公召府公又時賢時輩千百人孰不謂
汝妍汝來江南近里閭故依然昔日同戲兒看汝立路邊
人生但如此其實亦可憐吾老世味薄因循致留連強顏
班行內何實非罪愆才短難自力懼終莫洗音箋湔音臨分不
汝誰有路卽歸田

人日城南登高

初正候纔兆涉七氣已弄靄靄野浮陽暉暉水披凍聖朝
身不廢佳節古所用親交旣許來子姝亦可從盤蔬冬春
雜罇酒清濁共令徵前事爲觴詠新詩送扶杖凌圯陟刺
船犯枯葑方用切戀池羣鴨迴釋嶠孤雲縱人生本坦蕩誰
使妄恠音控僇音綜直指桃李闌幽尋寧止重

病鴟

屋東惡水溝有鴟墮鳴悲青泥揜兩翅拍拍不得離羣童

叫相召瓦礫爭先之計校生平事殺却理亦宜奪攘不愧
耻飽滿盤天嬉晴日占光景高風送追隨遂凌紫鳳羣肯
顧鴻鵠卑今者運命窮遭逢巧丸兒中汝要害處汝能不
得施於吾乃何有不忍乘其危丐汝將死命浴以清水池
朝餐輟魚肉瞑宿防狐狸自知無以致蒙德久猶疑飽入
深竹叢饑來傍階基亮無責報心固以聽所爲昨日有氣
力飛跳弄藩籬今晨忽徑去曾不報我知僥倖非汝福天
衢汝休窺京城事彈射豎子豈易欺勿諱泥坑辱泥坑乃
良規

華山女

街東街西講佛經撞鐘吹螺鬧宮庭廣張罪福資誘脅聽

衆狎恰排浮萍黃衣道士亦講說座下寥落如明星華山
女兒家奉道欲驅異教歸僊靈洗糝拭面著冠帔白咽紅
頰長眉青遂來昇座演真訣觀門不許人開扃不知誰人
暗相報訇然振動如雷霆掃除衆寺人跡絕驂騶塞路連
輜輶觀中人滿坐觀外後至無地無由聽抽釵脫釧解環
佩堆金疊玉光青熒天門貴人傳詔召六宮願識師顏形
玉皇領首許歸去乘龍駕鶴來青真豪家少年豈知道來
繞百巾脚不停雲牕霧閣事慌惚重重翠幔深金屏僊梯
難攀俗緣重浪憑青鳥通丁寧

讀皇甫湜公安園池詩書其後二首

晉人目二子其猶吹一吷音區區自其下顧肯挂牙舌春

秋書王法不誅其人身爾雅注蟲魚定非磊落人湜也困
公安不自閒窮年枉智思倚撫糞壤汗穢豈有臧誠不如
兩忘但以一槩量我有一池水蒲葦生其間蟲魚沸相嚼
日夜不得閒我初往觀之其後益不觀觀之亂我意不如
不觀完用將濟諸人捨得業孔顏百年詎幾時君子不可
閒

路傍埃

堆堆路傍埃音后一雙復一隻迎我出秦關送我入楚澤千
以高山遮萬以遠水隔吾君勤聽治照與日月敵臣愚幸
可哀臣罪庶可釋何當迎送歸緣路高歷歷

食曲河驛

晨及曲河驛悽然自傷情羣鳥巢庭樹乳雀飛簷楹而我
抱重罪子子萬里程親戚頓乖角圖史棄縱橫下負明義
重上孤朝命榮殺身諒無補何用荅生成

過南陽

南陽郭門外桑下麥青青行子去未已春鳩鳴不停秦商
邈旣遠湖海浩將經孰忍生以感吾其寄餘齡

瀧吏

南行逾六旬始下昌樂瀧音雙險惡不可狀船石相舂撞往
問瀧頭吏潮州尚幾里行當何時到土風復何似瀧吏垂
手笑官何問之愚譬官居京邑何由知東吳東吳遊宦鄉
官知自有由潮州底處所有罪乃竄流儂幸而負犯何由

到而知官今行自到那遽妄問爲不虞卒見困汗出愧且
駭吏曰聊戲官儂嘗使往罷嶺南大抵同官去道苦遼下
此三千里有州始名潮惡溪瘴獨聚雷電常洶洶鱷魚大
於船牙眼怖殺儂州南數十里有海無天地颶音具風有時
作掀簸真差去聲事聖人於天下於物無不容比聞此州囚
亦有生還儂官無嫌此州固罪人所徙官當明時來事不
待說委官不自謹慎宜卽引分往胡爲此水邊神色久懍
慌旄音岡大鉸鬣小所任自有宜官何不自量滿溢以取斯
工農雖小人事業各有守不知官在朝有益國家不得無
虱其間不武亦不文仁義飾其躬巧姦敗羣倫叩頭謝吏
言始慚今更羞歷官二十餘國恩並未酬凡吏之所訶嗟
實頗有之不卽金木誅敢不識恩私潮州雖云遠雖惡不
可過於身實已多敢不持自賀

贈別元十八協律六首

知識久去眼吾行其旣遠曹曹莫訾省默默但寢飯子兮
何爲者冠珮立憲憲何氏之從學蘭蕙已滿畹於何翫其
光以至歲向晚治惟尚和同無俟於蹇蹇或師絕學賢不
以藝自輓子兮獨如何能自媚婉婉金石出聲音宮室發
關楗何人識章甫而知駿蹄躑於阮切惜乎吾無居不得留
息偃臨當背面時裁詩示繾綣

英英桂林伯實惟文武特遠勞從事賢來弔逐臣色南裔
多山海道里屢紆直風波無程期所憂動不測子行誠艱

難我去未窮極臨別且何言有淚不可拭

吾友柳子厚其人藝且賢吾未識子時已覽贈子篇寤寐

想風采於今已三年不意流竄路旬日同食眠所聞昔已

多所得今過前如何又須別使我抱悁悁

勢要情所重排斥則挨塵骨肉未免然又况四海人疑疑

桂林伯矯矯義勇身生平所未識待我逾交親遺我數幅

書繼以藥物珍藥物防瘴癘書勸養形神不知四罪地豈

有再起辰窮途致感激肝膽還輪困

讀書患不多思義患不明患足已不學既學患不行子今

四美具實大華亦榮王官不可闕未宜後諸生嗟我擯南

海無由助飛鳴

寄書龍城守君驥何時秣峽山逢颶風雷電助撞碎昨沒切

乘潮簸扶胥近岸指一髮兩巘雖云牢水石牙飛發屯門

雖云高亦映波浪没余罪不足惜子生未宜忽胡為不忍

別感謝情至骨

初南食貽元十八協律

鬻音后實如惠文骨眼相負行豪音豪相黏為山百十各自生

蒲魚尾如蛇口眼不相管蛤即是蝦蟇同實浪異名章舉

馬甲柱鬪以怪自呈其餘數十種莫不可歎驚我來禦魑

魅自宜味南烹調以鹹與酸音以椒與橙腥臊始發越

咀吞面汗音惟蛇舊所識實憚口眼獰開籠聽其去鬱

屈尚不平賣爾非我罪不屠豈非情不祈靈珠報幸無嫌

怨并聊歌以記之又以告同行

宿曾江口示姪孫湘二首

雲昏水奔流天水湊相圍三江滅無口其誰識涯圻暮宿
投民村高處水半扉犬雞俱上屋不復走與飛篙舟入其
家暝聞屋中啼問知歲常然哀此為生微海風吹寒晴波
揚衆星輝仰視北斗高不知路所歸

舟行亡故道屈曲高林間林間無所有奔流但潺潺嗟我
亦拙謀致身落南蠻茫然失所詣無路何能還

荅柳柳州食蝦蟇

蝦蟇雖水居水特變形貌強號為蛙蛤於實無所校雖然
兩股長其奈脊皴音皴音跳躑雖云高意不離潭音淖音關音

鳴聲相呼和無理只取鬧周公所不堪灑灰垂典教我棄

愁海濱恒願眠不覺音叵堪朋類多沸耳作驚爆音端能

敗笙磬仍工亂學校雖蒙句踐禮竟不聞報效大戰元鼎

年孰強孰敗撓居然當鼎味豈不辱釣罩余初不下喉近

亦能稍稍常懼染蠻夷失平生好樂而君復何為甘食比

豢豹獵較務同俗全身斯為孝哀哉思慮深未見許迴權

別趙子

我遷於揭陽君先揭陽居揭陽去京華其里萬有餘不謂

小郭中有子可與娛心平而行高兩通詩與書婆娑海水

南簸弄明月珠及我遷宜春意欲攜以俱擺頭笑且言我

豈不足歟又奚為於此往來以紛如海中諸山中幽子頗

不無相期風濤觀已久不可渝又嘗疑龍蝦果誰雄牙鬚
蚌羸魚鼈蟲瞿瞿以狙狙識一已忘十大同細自殊欲一
窮究之時歲屢謝除今子南且北豈非亦有圖人心未嘗
同不可一理區宜各從所務未用相賢愚

除官赴闕至江州寄鄂岳李大夫

益城去鄂渚風便一日耳不枉故人書無因帆江水故人
辭禮闈旌節鎮江圻而我竄逐者龍鍾初得歸別來已三
歲望望長迢遞咫尺不相聞平生那可計我齒落且盡君
鬢白幾何年皆過半百來日苦無多少年樂新知衰暮思
故友譬如親骨肉寧免相可不我昔實愚憊不能降色辭
子犯亦有言臣猶自知之公其務貫音世過我亦請改事系

榆儻可收願寄相思字

南山有高樹行贈李宗閔

南山有高樹花葉何衰衰上有鳳凰巢鳳凰乳且棲四旁
多長枝羣鳥所托依黃鵠據其高衆鳥接其卑不知何山
鳥羽毛有光輝飛飛擇所處正得衆所希上承鳳凰恩自
期永不衰中與黃鵠羣不自隱其私下視衆鳥羣汝徒竟
何爲不知挾丸子心默有所規彈汝枝葉間汝翅不覺摧
或言由黃鵠黃鵠豈有之慎勿猜衆鳥衆鳥不足猜無人
語鳳凰汝屈安得知黃鵠得汝去婆娑弄毛衣前汝下視
鳥各議汝瑕疵汝豈無朋匹有口莫肯開汝落高艾間幾
時復能飛哀哀故山友中夜思汝悲路遠翅翎短不得持

韓文
汝歸

猛虎行

猛虎雖云惡亦皆有匹儕羣行深谷間百獸望風低身食
黃熊父子食赤豹麋擇肉於熊豹肯視兔與狸正晝當谷
眠眼有百步威自矜無當對氣性縱以乖朝怒殺其子暮
還食其妃匹儕四散走猛虎還孤棲狐鳴門兩旁烏鵲從
噪之出逐猴入居虎不知所歸誰云猛虎惡中路正悲啼
豹來銜其尾熊來攫其頤猛虎死不辭但慚前所爲虎坐
無助死况如汝細微故當結以信親當結以私親故且不
保人誰信汝爲

韓文卷之六終

韓文卷之七

古詩

雪後寄崔二十六丞公

藍田十月雪塞關我興南望愁群山攢天嵬嵬東相映君
乃寄命於其間秩卑俸薄食口衆豈有酒食開容顏殿前
群公賜食罷驂騮蹋路驕且閑稱多量少鑿裁去聲密豈念
幽桂遺榛管幾欲犯嚴出薦口氣象碑兀未可攀歸來殞
涕揜關臥心之紛亂誰能刪詩翁憔悴斲荒棘清玉刻佩
聯玦環腦脂遮眼臥壯士大弨音超挂壁無由彎乾坤施惠
萬物遂獨於數子懷偏慳朝欵暮借音借不可解我心安得
如石頑

送僧澄觀

浮屠西來何施爲擾擾四海爭奔馳構樓架閣切星漢誇
雄鬪麗止者誰僧伽後出淮泗上勢到衆佛尤恢奇越商
胡賈脫身罪珪璧滿船寧計資清淮無波平如席欄柱傾
扶半天赤火燒水轉掃地空突兀便高三百尺影沉潭底
龍驚遁當晝無雲跨虛碧借問經營本何人道人澄觀名
籍籍愈昔從軍大梁下往來滿屋賢豪者皆言澄觀雖僧
徒公才吏用當今無後從徐州辟書至紛紛過客何由記
人言澄觀乃詩人一座競吟詩句新向風長歎不可見我
欲收斂加冠巾洛陽窮秋厭窮獨丁丁啄門疑啄木有僧
來訪呼使前伏犀插腦高頰權惜哉已老無所及坐睨神
骨空潸然臨淮太守初到郡遠遣州民送音問好奇賞後
直難逢去去爲致思從容

山南鄭相公樊員外酬答爲詩其末咸有見及語樊

封以示愈依賦十四韻以獻

梁維西南屏山厲水刻屈稟生肖勦音巢剛難諧在民物榮

公鼎軸老烹幹力健佷渠勿切帝咨女予往牙纛前孟切

拂佛音威風挾惠氣蓋壤兩劇拂茫漫華黑間指畫變悅歛

忽音誠旣富而美章彙霍炳蔚日延講大訓龜判錯袞散樊

子坐賓署演孔刮老佛金春撼玉應厥臭劇蕙鬱遺我一

言重跣受惕齋慄辭慳義卓闊呀虛加切豁疚培音掘如新

去取聳雷霆逼颶風干筆切綴此豈爲訓俚言紹莊屈

奉和武相公鎮蜀時詠使宅韋太尉所養孔雀
穆穆鸞鳳友何年來止茲飄零失故態隔絕抱長思翠角
高獨聳金華煥相差坐蒙恩顧重畢命守堦墀

感春三首

偶坐藤樹下暮春下旬間藤陰已可庇落葉還漫漫
新葉大瓏瓏晚花乾青天高寥寥兩蝶飛翻翻時節適當
爾懷悲自無端

黃黃蕪菁花桃李事已退狂風簸枯榆狼籍九衢內春序
一如此汝顏安足賴誰能駕飛車相從觀海外

晨遊百花林朱朱兼白白柳枝弱而細懸樹垂百尺左右
同來人金紫貴顯劇嬌童爲我歌哀響跨箏笛艷姬蹋筵

舞清眸刺劒戟心懷平生友莫一在燕席死者長眇芒生
者困乖隔少年貞可喜老大百無益

早赴街西行香贈盧李二中舍人

天街東西異祇命遂成游月明御溝曉蟬吟堤樹秋老僧
情不薄僻寺境還幽寂寥二三子歸騎得相收

晚寄張十八助教周郎博士

日薄風景曠出歸偃前簷晴雲如擘絮新月似磨鎌田野
興偶動衣冠情久馱吾生可攜手歎息歲將淹

題張十八所居

君居泥溝上溝濁萍青青蛙謹橋未掃蟬嘒音門長局名
秩後千品詩文齊六經端來問奇字爲我講聲形

奉酬盧給事雲夫四兄曲江荷花行見寄并呈上錢
七兄閣老張十八助教

曲江千頃秋波淨平鋪紅雲蓋明鏡大明宮中給事歸走
馬來看立不正遺我明珠九十六寒光映骨睡驪目我今
官閑得婆娑問言何處芙蓉多撐舟昆明度雲錦脚敲兩
舷叫吳歌太白山高三百里負雪崔嵬插花裏玉山前却
不復來曲江汀滢水平盃我時相思不覺一迴首天門九
扇相當開上界真人足官府豈如散仙鞭笞鸞鳳終日相
追陪

奉和錢七兄曹長盆池所植

翻翻江浦荷而今生在此擢擢菰葉長芳根誰復徒露渥
兩鮮翠風蕩相磨倚但取主人知誰言盆盎是

記夢

夜夢神官與我言羅縷道妙角與根挈攜取維口瀾翻百
二十刻須臾間我聽其言未云足捨我先度橫山腹我徒
三人共追之一人前度安不危我亦平行躡丘召馱牛

切神完骨躡脚不掉側身上視溪谷盲杖撞玉版聲彭聵

神官見我開顏笑前對一人壯非少石壇坡陀可坐臥我
手承頰孩音肘拄座隆樓傑閣磊嵬高天風飄飄吹我過壯

非少者哦七言六字常語一字難我以指撮白玉丹行且

咀噍音行詰盤口前截斷第二句綽虛顧我顏不歡乃知

仙人未賢聖護短憑愚邀我敬我能屈曲自世間安能從

女巢神山

南內朝賀歸呈同官

薄雲蔽秋曦清雨不成泥
罷賀南內衙歸涼曉淒淒
綠槐十二街渙散馳輪蹄
余惟驚書生孤身無所齎
三黜竟不去致官九列齋
豈惟一身榮佩玉冠簪
犀滉蕩天門高著籍朝厥
妻文才不如人行又無町
畦問之朝廷事略不知
東西况於經籍深豈究端
與倪君恩太山重不見酬
稗稊所職事無多又不自
提撕明庭集孔鸞曷取於
鳧鷖樹以松與栢不宜間
蒿藜婉變自媚好幾時不
見擠貪食以忘軀軀音鮮
不調鹽醢法吏多少年磨
淬出角圭將舉汝愆尤以
爲已階梯收身歸關東期
不到死迷

朝歸

峨峨進賢冠耿耿水蒼佩
服章豈不好不與德相對
顧影聽其聲頰頰汗漸音尖
背進乏犬雞效又不勇自
退坐食取其肥無堪等龔
隤長風吹天墟秋日萬里
曬抵暮但昏眠不成歌慷
慨

雜詩四首

朝蠅不須驅暮蚊不可拍
蠅蚊滿八區可盡與相格
得時能幾時與汝恣啖音責
凉風九月到掃不見蹤跡
鵲鳴聲楂楂鳥噪聲撲撲
爭鬪庭宇間持身博彈射
黃鵠能忍饑兩翅久不擘
蒼蒼雲海路歲晚將無獲

截音老撩爲構音老櫺斲楹以爲椽
束蒿以代之小大不相權
雖

無風雨災得不覆且顛解轡棄騏驎寒驢鞭使前崑崙高
萬里歲盡道苦遭停車臥輪下絕意於神僊

雀鳴朝營食鳩鳴暮覓群獨有知時鶴雖鳴不緣身暗蟬
終不鳴有抱不列陳蛙黽鳴無謂閣閣祇亂人

讀東方朔雜事

嚴嚴王母宮下維萬仙家噫欠爲飄風濯手大雨沱方朔
乃豎子驕不加禁訶偷入雷電室鞦韆音音掉狂車王母
聞以笑衛官助呀呀不知萬萬人生身埋泥沙鯁頓五山
踣音音流漂八維蹉曰吾兒可憎奈此狡獪何方朔聞不喜
褫身絡蛟蛇瞻相北斗柄兩手自相接音音群仙急乃言百
犯庸不科向觀睥睨處事在不可赦音音欲不布露言外口

實誼譁王母不得已顏頰口齟嗟頰頰可其奏送以紫玉
珂方朔不懲劓挾恩更矜誇詆欺劉天子正晝溺奴吊殿
衙一旦不辭訣攝身凌蒼霞

譴瘧鬼

屑屑水帝蒐謝謝無餘輝如何不肖子尚奮瘧鬼威乘秋
作寒熱翁媪所罵譏求食歐泄間不知臭穢非醫師加百
毒熏灌無停機炙師施艾炷酷若獵火圍詛師毒口牙舌
作霹靂飛符師弄刀筆丹墨交橫揮咨汝之甯出門戶何
巍巍祖軒而父頊未沫於前徽不修其操行賤薄似汝稀
豈不忝厥祖覩然不知歸湛湛江水清歸居安汝妃清波
爲裳衣白石爲門畿呼吸明月光手掉芙蓉旂降集隨九

歌飲芳而食菲贈汝以好辭出汝去莫違

示兒

始我來京師止攜一束書辛勤三十年以有此屋廬此屋
豈爲華於我自有餘中堂高且新四時登牢蔬前榮饌賓
親冠婚之所於庭內無所有高樹八九株有藤婁音縷絡之
春華夏陰敷東堂坐見山雲風相吹噓松果連南亭外有
瓜芋區西偏屋不多槐榆翳空虛山鳥旦夕鳴有類澗谷
居主婦治北堂膳服適戚疎恩封高平君子孫從朝裾開
門問誰來無非卿大夫不知官高卑玉帶懸金魚問客之
所爲我冠講唐虞酒食罷無爲棊槩音朔以相娛凡此座中
人十九持釣樞又問誰與頻莫與張樊如來過亦無事考

評道精麤躑音躑躑媚學子牆屏日有徒以能問不能其蔽
豈可祛嗟我不修飾事與庸人俱安能坐如此比肩於朝
儒詩以示兒曹其無迷厥初

庭楸

庭楸止五株共生十步間各有藤繞之上各相鉤連下葉
各垂地樹顛各雲連朝日出其東我常坐西偏夕日在其
西我常坐東邊當晝日在上我在中央間仰視何青青上
不見纖穿朝暮無日時我且八九旋濯濯晨露香明珠何
聯聯夜月來照之舊舊音舊自生煙我已自頑鈍重遭五楸
牽客來尚不見肯到權門前權門衆所趨有客動百千九
牛亡一毛未在多少間往既無可顧不往自可憐

翫月喜張十八員外以王六秘書至

前夕雖十五月長未滿規君來晤我時風露渺無涯浮雲散白石天宇開青池孤質不自憚中天爲君施翫翫夜遂又亭亭曙將披况當今夕圓又以嘉客隨惜無酒食樂但用歌嘲爲

和李相公攝事南郊覽物興懷呈一二知舊

燦燦辰角曙亭亭寒露朝川原共澄映雲日還浮飄上宰嚴祀事清途振華鑣圓丘峻且坦前對南山標村樹黃復綠中田稼何饒顧瞻想巖谷興歎倦塵囂惟彼顛瞑者去公豈不遼爲仁朝自治用靜兵以銷勿憚吐捉勤可歌風雨調聖賢相遇少功德今宣昭

和裴僕射相公假山十一韻

公乎貞愛山看山旦連夕猶嫌山在眼不得着脚歷枉語山中人句我澗側石有來應公須歸必載金帛當軒乍駢羅隨勢忽開坵有洞若神剌烏官切有巖類天劃終朝巖洞間歌鼓燕賓戚孰謂衡霍期近在王侯宅傅氏築已卑磻溪釣何激逍遙功德下不與事相據樂我盛明朝於焉傲今昔

與張十八同效阮步兵一日復一夕

一日復一日一朝復一朝祗見有不如不見有所超食作前日味事作前日調不知久不死憫憫尚誰要富貴自繫拘貧賤亦煎焦俯仰未得所一世已解鑣譬如籠中鶴六

翻無所搖譬如兔得蹄何用東西跳還看古人書復舉前人瓢未知所究竟且作新詩謠

送諸葛覺往隨州讀書

鄴侯家多書插架三萬軸一一懸牙籤新若手未觸爲人強記覽過眼不再讀偉哉群聖文磊落載其腹行年餘五十出守數已六京邑有舊廬不容久食宿臺閣多官員無地寄一足我雖官在朝氣勢日局縮屢爲丞相言雖懇不見錄送行過滌水東望不轉目今子從之游學問得所欲入海觀龍魚矯翮逐黃鵠勉爲新詩章月寄三四幅

南溪始泛三首

榜音舟南山下上上不得返幽事隨去多孰能量近遠陰

沉過連樹藏昂抵橫坂石麤肆磨礪波惡厭牽挽或倚偏岸漁竟就平洲飯點點暮雨飄梢梢新月偃餘年慄無幾休日愴已晚自是病使然非由取高蹇

南溪亦清駛賦至而無楫與舟山農驚見之隨我觀不休

不惟兒童輩或有杖白頭饋我籠中瓜勸我此淹留我云以病歸此已頗自由幸有用餘俸置居在西疇困倉米穀滿未有旦夕憂上去無得得下來亦悠悠但恐煩里閭時有緩急投願爲同社人雞豚燕春秋

足弱不能步自宜收朝蹟羸形可輿致佳觀去聲安可擲即

此南坂下久聞有水石拖舟入其間溪流正清激隨波吾未能峻瀨乍可刺鷺起若導吾前飛數十尺亭亭柳帶沙

團團松冠壁歸時還盡夜誰謂非事役

韓文卷之七終

韓文卷之八

聯句

城南聯句

竹影金瑣碎郊 泉音玉淙瑀瑠璃翦木葉愈 翡翠開園英

流滑隨仄步郊 搜尋得深行遙岑出寸碧愈 遠目增雙明

乾穉紛拄地郊 化蟲枯揭音 莖木腐或垂耳愈 草珠競駢

睛浮虛有新斲郊 摧抗饒孤撐囚飛黏網動愈 盜啗接彈

驚脫實自開坼郊 牽柔誰繞縈禮鼠拱而立愈 駭牛躅且

鳴蔬甲喜臨社郊 田毛樂寬征露螢不自暖愈 凍蝶尚思

輕宿羽有先曉郊 食鱗時半橫菱翻紫角利愈 荷折碧圓

傾楚賦鱸鮪音 亂郊 獠羞螺螯并桑蠶見虛指愈 穴貍聞

韓文

卷之八

鬪悍逗翳翅相築郊擺幽尾交榜音朋蔓涎角出縮愈樹啄

頭敲鏗脩箭褭音媚金餌郊羣鮮沸池羹岸殼圻玄兆愈野

麤漸豐萌窰煙幕疏島郊沙篆印迴平瘁肌遭蚝七吏切刺

七愈音啾耳聞雞生竒慮恣迴轉郊遐晞縱逢迎巔林戢遠

睫愈縹氣夷空情歸跡歸不得郊捨心捨還爭靈麻撮狗

蝨愈村稚啼禽猩紅皺曬檐瓦郊黃團繫門衡得雋蠅虎

健愈相殘雀豹趙音棖束枯樵指禿郊刈熟擔肩頰澁旋去聲

皮卷音捲鬻愈苦開腹彭亨機春潺湲力郊吹簸飄飆精

賽饌木盤簇愈靴妖藤索緝音兵荒學五六卷郊古藏四三

坐里儒拳足拜愈土怪閃眸偵蹄道補復破郊絲窠掃還

成暮堂蝙蝠沸愈破竈伊威盈追此訊前主郊荅云皆冢

卿敗壁剝寒月愈折篁嘯遺笙桂音圭熏霏霏在郊綦跡微

微呈劔石猶竦檻愈獸材尚挈楹寶唾拾未盡郊玉啼墮

猶鎗楚耕切惚綃疑悶豔愈糝燭已銷榮綠髮抽珉鞞青膚

聳瑤楨白蛾飛舞地愈幽蠹落書棚惟惜集嘉詠郊吐芳

類鳴嚶窺竒摘海異愈恣韻激天鯨腸胃繞萬象郊精神

驅五兵蜀雄李杜拔愈嶽力雷車轟大句幹玄造郊高言

軋霄崢芒端轉寒燠愈神助溢杯觥巨細各乘運愈湍濯

亦騰聲凌花咀粉藥郊削縷穿珠櫻綺語洗晴雪愈嬌辭

呷雛鸞酣歡雜弁珥郊繁價流金瓊菡萏寫江調郊菱鞋

綴藍瑛庖霜鱸玄鯽愈浙玉炊香粳朝饌已百態郊春醪

又千名哀匏蹙駛景愈冽唱凝餘晶解魄不自主郊痺肌

坐空瞠音撐板援賤蹊絕愈炫曜僊選更藁巧競採笑郊駢

鮮互探嬰桑變忽蕪蔓愈樟裁浪登丁霞闕詎能極郊風

期誰復賡臯區扶帝壤愈瓌蘊郁天京祥色被文彥郊良

才插杉檉隱伏饒氣象愈興潛示堆坑擘華露神物郊擁

終儲地禎訐謨壯締始愈輔弼登階清全秀恣填塞郊呀

靈瀆淳音亭澄益大聯漢魏愈肇初邁周羸積照涵德鏡郊

傳經儷金籟音盈食家行鼎鼐愈寵族飶弓旌奕制盡從賜

郊殊私得逾程飛橋上架漢愈繚岸俯規瀛瀟碧遠輸委

郊湖嵌口街切費攜擎荀首從大漠愈楓楮音諸至南荆嘉植

鮮危朽郊膏理易滋榮懸長巧紐翠愈象曲善攢珩魚口

星浮沒郊馬毛錦斑駢五方亂風土愈百種分鉏耕葩蘖

相妬出郊菲茸共舒情類招臻侗音剔詭愈翼萃伏衿纓危

望跨飛動郊真升躡登閔春游轢霍音隨靡愈彩伴颯音繁

嬪音萌遺燦飄的樂郊淑顏洞精誠嬌應如在寤愈頽意若

含醒鴉毳翔衣帶郊鵝肪音方截佩璜文昇相照灼愈武勝

屠攬音讓搶楚庚切割錦不酬價郊構雲有高管通波勃鱗介

愈疏畹富蕭蘅買養馴孔翠郊遠苞樹蕉併音并鴻頭排刺

芡愈鵠音設攢瓌橙驚廣雜良牧郊蒙休賴先盟罷旄奉

環衛愈守封踐忠貞戰服脫明介郊朝冠飄彩紘爵勳逮

僮隸愈簪笏自懷繡乳下秀嶷嶷郊椒蕃泣嗶嗶音橫貌鑑

清溢匣愈眸光寒發硃館儒養經史郊綴戚觴孫甥考鍾

饋肴核愈憂鼓侑牢牲飛膳自北下郊函珍極東京如瓜

煮大卵愈比線茹芳菁海嶽錯口腹郊趙燕錫媯五莖切

一笑釋仇恨愈百金交弟兄貨至貊戎市郊呼傳鸚鵡令

順居無鬼瞰愈抑橫免官評殺候肆凌翦郊籠原市宜紵

弘羽空顛雉鷄愈血路迸狐麀折足去蹠音踔郊直蹙鬢

怒鬢音彭音囊音躍音犬疾翥鳥愈呀鷹甚饑音盲音筭蹄記功

賞郊裂腦擒控音瞳音振音猛斃牛馬樂愈妖殘梟鶴柯額切惇

窟窮尚嗔視郊箭出方驚抨音烹音連箱載已實愈礙轍棄仍

羸喘覷鋒刃點郊困衝株枿盲掃淨豁曠曠愈騁遙略萃

萃饒音叔音飽活癯郊惡嚼嘔音腥鯖音征音歲律及郊至愈古

音命韶諛旗旆流日月郊帳廬扶棟薨磊落真鴻璧愈參

差席香奠音瓊音玄祗祉兆姓郊黑秬饒豐盛慶流蠲瘥癘愈

威暢捐轡尺容切朝音靈燔望高罔郊龍駕聞敲音是惟

禮之盛愈永用表其宏德孕厚生植郊恩熙完別剝宅土

盡華族愈運田閒強吐蔭庾森嶺檜郊啄場翹祥鳴音哇

肥翦韭薤愈陶固收盆鬯利養積餘健郊孝思事嚴妨音

掘雲破帶音至音嶽音採月漉坳泓寺砌上明鏡郊僧孟敲

曉鉦泥像對騁怪愈鐵鍾孤舂錙音橫音瘦頸開鳩音鳩音宛垣

亂蛛蝻甚黑老蠶蠋愈麥黃韻鸚鵡韶曙遲勝賞郊賢朋

戒先庚馳門填偈久愈競墅輾砢披冰切砑音耕音碎纈紅滿

杏郊稠凝碧浮飴音情音蹠音足音繩覲娥婆愈鬪草擷胡結切璣瑄

粉汗澤廣額郊金星墮連瓔鼻偷困淑郁愈眼剽強盯音棖

暍音是節飽顏色郊茲疆稱都城書饒罄魚繭愈紀盛播

韋文

琴箏奚必事遠覲郊無端逐羈助庚切倉庚將身親魍魅愈浮

跡侶鷗鵲腥味空真屈郊天年徒羨彭驚魂見蛇蚓愈觸

嗅值蝦蟇幸得履中氣郊忝從拂天棖歸私暫休暇愈驅

明出庠鬻鮮意竦輕暢郊連輝照瓊瑩陶暄逐風乙愈烏轄切

躍視舞晴蜻足勝自多詣郊心貪敵無効始知樂名教愈

何用苦拘寧畢景任詩趣郊馬能守磳磳愈

會合聯句

離別言無期會合意彌重籍病添兒女戀老喪丈夫勇愈

劍心知未死詩思猶孤聳郊愁去劇箭飛謹來若泉涌徹

析言多新貫攄抱無昔壅籍念難須勤追悔易勿輕踵愈

吟巴山竿學音說楚波堆龍郊馬辭虎豹怒舟出蛟鼉恐

徹狂鯨時孤軒幽狄雜百種愈瘴衣常腥膩蠻器多踈冗

籍剝苔弔斑林角飯餌沉塚愈忽爾街遠命歸歟舞新寵

郊鬼窟脫幽妖天居覲清棋愈京遊步方振謫夢意猶恂

籍詩書誇舊知酒食接新奉愈嘉言寫清越瘡病失朮腫

郊夏陰偶高庇宵魄接虛擁愈雪絃寂寂聽茗盃纖纖捧

郊馳輝燭浮螢幽響泄潛蜚拱詩老獨何心江疾有餘

廔我家本漚穀有地介臯鞏休跡憶沈冥峨冠慚闐

音升朝高轡逸振物羣聽悚徒言濯幽泌誰與薙

籍荒茸朝紳鬱青綠馬飾曜珪珙國讐未銷鑠我志蕩叩

郊隴君才誠個儻時論方洵溶音格言多彪蔚懸解無桔

音張生得淵源寒色拔山豕堅如撞羣金眇若抽獨蛹

愈伊余何所擬跛鼈詎能踊塊然墮丘山飄爾胷巢翫
兀龍旆垂天衛雲韶凝禁甬君胡眠安然朝鼓聲洶洶愈

鬪雞聯句

大雞昂然來小雞竦而待愈崢嶸顛音田盛氣洗刷凝鮮彩
郊高行若矜豪側睨如何殆愈精光目相射劔戟心獨在
郊既取冠為冑復以距為鏃音隊天時得清寒地利挾爽塏
愈磔毛各噤音近痒音所怒癭爭礮磊俄膺忽爾低植立瞥
撇音復而改音復脰音脰戰聲喧續翻落羽音七罪中休事未
决小挫勢益倍愈妬腸務生敵賊性專相醢裂血失鳴聲
豕殷音烏甚饑餒音郊對起何急驚隨旋誠巧給毒手飽李
陽神槌困朱亥愈惻心我以仁碎首爾何罪獨勝事有然旁

驚汗流浹音郊知雄欣動顏怯負愁看賄爭觀雲填道助叫
波翻海愈事爪深難解嗔晴時未忘一噴一醒然再接再
礪乃音郊頭垂碎丹砂翼搨拖錦綵連軒尚賈音餘清厲比
歸凱愈選俊感收毛受恩慚始隗英心甘鬪死義肉恥庖
宰君看鬪雞篇短韻有可採音郊

納涼聯句

遞嘯取遙風微微近秋朔音郊金柔氣尚低火老候愈濁愈
熙熙炎光流竦竦高雲擢愈閃紅驚蚰音憂虬凝赤聳山嶽
目林恐焚燒耳井憶灑音土澗音才弱仰懼失交泰非時結
冰電化鄧渴且多奔河誠已愨喝音道者誰子叩商者何
樂洗矣得滂沱感然鳴鸞鸞嘉願苟未從前心空緬邈清

砌千迴坐冷環再三握煩懷却星星高意還卓卓郊龍沈
劇煮鱗牛喘甚焚角蟬煩鳴轉喝音烏噪饑不啄晝蠅食
案繁宵蚋肌血渥單絺厭已禡長箋音倦還捉幸茲得佳
朋於此蔭華楠青熒文簾施淡澈音甘瓜濯大壁曠凝淨
古畫竒駁犖凄如扛音寒門皓若攢玉璞掃寬延鮮飈汲
冷漬香櫛音篚實摘林珍盤肴饋禽殼空堂喜淹留貧饌
羞齷齪音殷勤相勸勉左右加礮斷賈勇發霜硯爭前曜
冰槩微然草根響先被詩情覺感衰悲舊改工異逞新貌
音誰言擯朋老猶自將心學危簷不敢憑朽机懼傾撲青
雲路難近黃鶴足仍銳音未能飲淵泉立滯叫芳葯音
渥與子昔睽離嗟余苦屯剝直道敗邪徑拙謀傷巧詠音

炎胡度氛氲熱石行犖砢音瘠饑夏尤甚瘡渴秋更數君
顏不可覲君手無由搦今來沐新恩庶見返鴻朴儒庠恣
游息聖籍飽商摧危行無低徊正言免咿喔車馬獲同驅
酒醪欣共救音惟憂棄菅音菴音敢望侍帷幄此志且何
如希君為追音琢音愈

秋雨聯句

萬木聲號呼百川氣交會郊庭翻樹離合牖變景明藹愈
深終瀉殊未終飛浮亦云泰郊牽懷到空山屬聽邇驚
瀨愈簷垂白練直渠漲清湘大郊甘津澤祥禾伏潤肥荒
艾愈主人吟有歡客子歌無奈郊侵陽日沈玄剝節風搜
兌愈塊音遊峽喧颼颯臥江汰郊微飄來枕前高灑

自天外愈 蜚音 穴何迫迤蟬枝掃鳴噦郊 援菊茂新芳逕

蘭銷晚鵲愈音 地鏡時昏曉池星競漂沛郊 謹切 呶尼交 事

一聲灌注咽羣籟愈 儒宮煙火濕市舍煎熬怵郊 臥冷空

避門衣寒屢循帶愈 水怒已倒流陰繁恐凝害郊 憂魚思

舟楫感禹勤吠澮愈 懷襄信可畏疏决須有賴郊 筮命或

馮著卜晴將問蔡愈 庭商忽驚舞墉崇音 亦親酌郊 氛醜

稍踈映霄二音 亂還擁蒼陰旌時摻音 流帝鼓鎮音 訶音 磕

苦蓋 棗圃落青瓊瓜哇爛文貝貧薪不燭竈富粟空填膾

愈 秦俗動言利魯儒欲何可深路倒羸驂弱途擁行軼音

毛羽皆遭凍離徒不能翺切 翻浪洗虛空傾濤敗藏蓋

郊吾人猶在陳僮僕誠自鄙因思征蜀士未免濕戎旃安

得發商飈廓然吹宿靄白日懸大野幽泥化輕盞音 藹戰場

暫一乾賊肉行可膾愈 搜心思有效抽策期稱最豈惟慮

收穫亦以救顛沛郊 禽情初嘯儔礎色微收霈庶幾諧我

願遂止無已太愈

征蜀聯句

日王忿違傲有命事誅拔蜀險豁關防秦師縱橫猾愈 風

旗市地揚雷鼓轟天殺竹兵彼敝脆鐵刃我鎗音 齧郊 刑

神咤擎音 旄陰談職 颯切 犀札翻霓紛偃蹇塞野頽胡 孔

块北愈 生獰競掣跌癡突爭填軋渴鬪信逐呶嗷奸何噢

音 喟郊 於切 更呼相簸蕩交斫雙缺五 齧切 火發激銜腥血

漂騰足滑愈 飛猱無整陣翩鶻有邪戛江倒沸鯨鯢山搖

潰徂救俱切 契郊音 中離分二三外變迷七八逆頸盡徽索

仇頭恣髡劫音 怒鬚猶鬢鬢斷臂仍瓢蒲八切 詬愈格切 石潛

設竒伏穴覷騁精察中矢類妖慘衫音 跳鋒狀驚豹女滑切 蹋

翻聚林嶺斗起成埃坵郊音 佈亡多空杠軸折鮮聯轄剡

撥音 膚淡瘡痍敗面碎剝割音 渾奔肆狂勦捷竄脫趨點岩

鉤踔鈔音 狙猿水漉雜鱸蝟音 投奔音 鬧碛音 隆音 填隍威

密莫八切 脩愈呼切 強睛死不閉獷眼困逾眈莫八切 藝堞焯呼木切

音切 又音 歆音 熇音 抉門呀物闔音 天刀封未坼首膽懾前攫

踰梁排郁縮闖竇楔絮屑音 窟竹律切 窾竹刮切 迫脅聞雜驅咿

叨叫冤跣邨五切 窮區指清夷兇部坐雕鍛印文裁斐疊巴

豔收娼於八切 姍推肥牛呼牟載實駝鳴園乙轄切 聖靈閔頑

罌壽養均草蔡下書遏雄唬解罪弔孿瞎愈 戰恤時銷洗

劒霜夜清刮漢棧罷置鬪獠音 江息澎汜普八切 戍寒絕朝

乘刀暗歇宵管始去杏飛蜂及歸柳嘶蛰扎音 廟獻繁音 齒音 慰

級樂聲洞控楫郊音 臺圖煥丹玄郊告儼匏稽音 念齒慰

徽音 鰲視傷悼癡疵女點切 休輸任訛寢報力厚麩秬戶秬切

公歡鍾晨撞室宴絲曉拈音 杯盃酬酒醪箱篋饋巾帙莫轄切

切小臣昧戎經維用贊勳愈

同宿聯句

自從別君來遠出遭巧譖愈 斑斑落春淚浩浩浮秋浸郊

毛竒覩象犀羽怪見鵬鳩愈 朝行多危棧夜臥饒驚枕郊

生榮今分踰死棄昔情任愈 鵷行參綺陌雞唱聞清禁郊

山晴指高標槐密驚長蔭愈直辭一以薦巧舌千皆矜郊

近匡鼎惟說詩桓譚不讀識愈逸韻何嘈噉高名俟沽賃音

郊紛葩歡屢填曠朗憂早滲愈為君開酒腸顛倒舞相飲

郊曦光霽曙物景曜鑠宵侵浸愈音儒門雖大啓奸首不敢

闖義泉雖至近盜索不敢沁清琴試一揮白鶴叫相暗欲

知心同樂雙繭抽作絳郊

莎柵聯句

冰溪時咽絕風櫪方軒舉愈此處不斷腸定知無斷處郊

雨中寄孟刑部幾道聯句

秋潦淹轍跡高居限參拜愈耿耿蓄良思遙遙仰嘉話郊

一晨長隔歲百步遠殊界愈商聽饒清聳悶懷空抑噫音郊

隘美君知道腴逸步謝天械愈吟馨鑠紛雜抱照瑩疑怪

郊撞宏聲不掉輸邈瀾逾殺愈簷瀉碎江喧街流淺溪邁

郊念初相遭逢幸免因媒介祛煩類決癰愜興劇爬疥研

文較幽玄呼博騁雄快今君輶音方馳伊我羽已鎩所拜切

溫存感深惠琢切奉明誠愈迨茲更凝情暫阻若嬰瘵側界

切欲知相從盡靈珀拾纖芥欲知相益多神藥銷宿憊音敗

德符僊山岸永立難欹壞氣涵秋天河有朗無驚湃郊祥

鳳遺蒿鷄雲韶掩夷靺莫拜切爭名求鵠徒騰口甚蟬喝音愛

未來聲已赫始鼓敵前敗鬪場再鳴先遐路一飛屆東野

繼竒躅脩綸懸衆牒音穿空細丘垤照日陋管蒯愈小生

何足道積慎如觸蠶愔愔抱所諾翼翼自申戒聖書空勘

讀盜食敢求噉惟當騎欵段豈望覲珪玠弱操愧筠杉微
芳比蕭薤何以驗高明柔中有剛夫郊

遠遊聯句

別腸車輪轉一日一萬周郊離思春冰泮瀾漫不可收愈

馳光忽以迫飛轡誰能留愈取之詎灼灼此去信悠悠楚

客宿江上夜魂棲浪頭曉日生遠岸水芳綴孤舟村飲泊

好木野蔬拾新柔獨含悽悽別中結鬱鬱愁人意舊行樂

鳥吟新得儔郊靈瑟時窅窅露陰音猿夜啾啾憤壽氣尚盛

恨竹淚空幽長懷絕無已多感良自尤卽路涉獻歲歸期

少涼秋兩歡日牢落孤悲坐綢繆愈觀怪忽蕩漾叩竒獨

搜海鯨吞明月浪島沒大漚我有一寸鈎欲釣千丈流

良知忽然遠壯志鬱無抽郊魍魅暫出沒蛟螭互蟠蟻昌

言拜舜禹舉颿音凌斗牛懷糈音餽賢屈乘桴追聖丘飄

然天外步豈肯區中囚愈楚些蘇个切待誰弔賈辭緘恨投

翳明弗可曉祕魂安所求氣毒放逐域蓼雜芳菲疇當春

忽淒涼不枯亦颼颼貉謠衆猥欵音巴語相咿咿默誓去

外俗嘉願還中州江生行旣樂躬輦自相勦音留飲醇趣明

代味腥謝荒陬郊馳深鼓利楫趨險驚蜚輶繫石沉靳尚

開弓射鴈吸卽驩路暗執屏翳波驚戮陽侯廣泛信縹眇

高行恣浮游外患蕭蕭去中悒稍稍瘳振衣造雲闕跪坐

陳清猷德風變讒巧仁氣銷戈矛名聲照四海淑問無咎

休歸哉孟夫子歸去無夷猶愈

晚秋郾城夜會聯句

從軍古云樂談笑青油幕燈明夜觀音某月暗秋城柝正封

羈客方寂歷驚鳥時落泊語闌壯氣衰酒醒寒砧作愈遇

主貴陳力夷凶匪兼弱百牢犒輿師千戶購首惡正封平

生恥論兵未暮不輕諾徒然感恩義誰復論勳爵愈多士

被沾汚小夷施毒蠹丑略切何當鑄劍戟相與婦臺閣正封

室婦歎鳴鶴家人祝喜鵲終朝考著龜何日親烝祫愈間

諫使斷津梁潛軍索林薄紅塵羽書靖大水沙囊涸正封

銘山子所工插羽余何忤未足煩刀俎祇應輸管鑰愈雨

矢逐天狼電矛驅海若靈誅固無縱力戰誰敢却正封峨

峨雲梯翔赫赫火箭著連空隳雉堞照夜焚城郭愈軍門

宣一令廟筭建三略雷鼓揭千槍浮橋交萬笮正封蹂野

馬雲騰映原旗火鑠疲氓隊蔣拯殘虜狂可縛愈摧鋒若

貙兕超乘如猱攫音逢掖服翻慚漫胡纓可愕正封星殞

聞雉雉師興隨唳鶴虎豹貪犬羊鷹鷂憎鳥雀愈燒陂除

積聚灌壘失依託憑軾諭昏迷執殳征暴虐正封倉空戰

卒饑月黑探兵錯兇徒更蹈藉逆族相啗嚼愈軸轡亘淮

泗旆旌連夏鄂大野縱氏羌長河浴騶駱正封東西競角

逐遠近施矰繳人怨童聚謠天殃鬼行瘡愈漢刑支郡黜

周制閑田削侯社退無功鬼薪懲不恪正封余雖司斧鑕

音至情本尚丘壑且待獻俘囚終當返耕穫愈藁街陳鈇鉞

桃塞興錢音鑄音博地理畫封疆天文掃寥廓正封天子憫

韓文 卷之六 十一

瘡痍將軍禁鹵掠策勲封龍額煇獸獲麟脚愈詰誅敬王

怒給復福音哀人瘼澤髮解坻牟醜顏傾鑿落正封安存惟

恐晚洗雪不論昨暮鳥已安巢春蠶看滿箔愈聲明動朝

闕光寵耀京洛旁午降絲綸中堅擁鼓鐸正封密坐列珠

翠高門塗粉牖跋朝賀書飛塞路歸鞍躍愈魏闕橫雲漢

秦關束巖嶸音拜迎羅縵鞬問遺結囊橐正封江淮永清

晏宇宙重開拓是日號昇平此年名作噩愈洪赦方下究

武颺亦旁魄步角切南據定蠻陬北攫空朔漠正封儒生愜

教化武士猛刺斫吾相兩優游他人雙落莫愈印從負鼎

佩門為登壇鑿再入更顯嚴九遷彌審諤正封賓筵盡狐

趙導騎多衛霍國史擅芬芳宮娃分綽約愈丹掖列鸕鷀

洪鑪衣狐貉搗文揮月毫講劍淬霜鏑正封命衣備藻火

賜樂兼拊搏兩廂鋪璣瑜五鼎調勺藥愈或音帶垂蒼玉

佩纒蹙黃金絡誘接謂登龍趨馳狀傾藿正封青娥翳長

袖紅頰吹鳴籥儻不忍辛勤何由恣歡謔愈惟當早貴富

豈得暫寂寞但擲顧笑金仍祈却老藥正封歿廟配罇學

生堂合馨音鑄音安行庇松篁高臥枕莞蕝愈洗沐恣蘭

芷割烹厭脾臆其虐切喜顏非忸怩達志無隕穫正封詠諧

酒席展慷慨戎裝著斬馬祭旄纛包羔禮芒屨愈音山多

離隱豹野有求伸蠖推選閱羣材薦延搜一鷄正封左右

供諂譽親交獻諛喙名聲載揄揚權勢實熏灼愈道舊生

感激當歌發酬酢羣孫輕綺紈下客豐醴酪正封窮天貢

韓文卷之八終
駮異市海賜酺音蒲釀作樂鼓還槌從禽弓始曠音取歡
移日飲求勝通宵博五白氣爭呼六奇心運度正封恩澤
誠布獲噐頑已簫勺告成上云亭考古垂矩矱音夏前堂
清夜吹東第良晨酌池蓮折秋房院竹翻夏籜正封五狩
朝恒岱三畋宿楊柞農書乍討論馬法長懸格音愈雪下
收新息陽生過京索爾牛時寢訛我僕或歌罟正封帝載
彌天地臣辭劣螢爝音爵為詩安能詳庶用存糟粕愈

韓文卷之八終

韓文卷之九

律詩

題楚昭王廟

丘墳滿日衣冠盡城闕連雲草樹荒猶有國人懷舊德一
間茅屋祭昭王

宿龍宮灘

浩浩復湯湯音商灘聲抑更揚奔流疑激電驚浪似浮霜夢
覺燈生暈宵殘雨送涼如何連曉語一半是思鄉

義魚招張功曹

義魚春岸闊此興在中宵大炬然如晝長船縛似橋深窺
沙可數靜榜音諉水無搖刃下那能脫波間或自跳中去聲鱗

韓文
憐錦碎當目訝珠銷迷火逃翻近驚人去暫遙競多心轉
細得雋語時囂潭整知存寡舫音平覺獲饒交頭疑湊餌
駢首類同條濡沫情雖密登門事已遼盈車欺故事飼犬
驗今朝血浪疑猶沸腥風遠更飄蓋江煙暮暮莫秋切拂棹
影寥寥懶去愁無食龍移懼見燒如棠名既誤釣渭日徒
消文客驚先賦篙工喜盡謠膾成思我友觀樂憶五僚自
可捐憂累何須強問鴉

李員外寄紙筆

題是臨池後分從起草餘兔尖針莫並爾淨雪難如莫怪
殷勤謝虞卿正著書

次同冠峽

今日是何朝天晴物色饒落英千尺隨遊絲百丈飄泄乳
交巖脉懸流揭浪標無心思嶺北猿鳥莫相撩

答張十一功曹

山淨江空水見沙哀猿啼處兩三家篋管競長纖纖笋躑
躅閑開豔豔花未報恩波知死所莫令炎瘴送生涯吟君
詩罷看雙鬢斗覺霜毛一半加

郴州祈雨

乞雨女郎魂包羞絮且繁廟開鼯鼠叫神降越巫言旱氣
期銷蕩陰官想駿奔行看五馬入蕭颯已隨軒

湘中酬張十一功曹

休垂絕徼千行淚共泛清湘一葉舟今日嶺猿兼越鳥可

韓文
卷之九
憐同聽不知愁

柳口又贈二首

山作劍攢江寫鏡扁舟斗轉疾於飛回頭笑向張公子終日思歸此日歸

雪颭霜翻看不分雷驚電激語難聞沿涯宛轉到深處何限青天無片雲

題木居士二首

火透波穿不計春根如頭面榦如身偶然題作木居士便有無窮求福人
爲神詎比溝中斷遇賞還同爨下餘朽蠹不勝刀鋸力匠人雖巧欲何如

晚泊江口

郡城朝解纜江岸暮依村二女竹上淚孤臣水底魂雙雙歸蟄燕一一叫群猿迴首那聞語空看別袖翻

湘中

猿秋魚踊水翻波自古流傳是汨羅蘋藻滿盤無處奠空聞漁父扣舷歌

別盈上人

山僧愛山出無期俗士牽俗來何時祝融峰下一迴首即是此生長別離

喜雪獻裴尚書

宿雲寒不卷春雪墮如筵騁巧先投隙潛光半入池喜深

將策試驚密仰簷窺自下何曾汗增高未覺危比心明可
燭拂面愛還吹妬舞時飄袖欺梅併壓枝地空迷界限砌
滿接高卑浩蕩乾坤合霏微物象移爲祥矜大孰布澤荷
平施已分年華晚猶憐曙色隨氣嚴當酒換灑急聽牕知
照曜臨初日玲瓏滴晚漸聚庭看嶽聳掃路見雲披陣勢
魚麗遠書文鳥篆奇縱歡羅豔點列賀擁熊螭履散行偏
冷門扃臥更羸悲嘶聞病馬浪走信嬌兒竈靜愁煙絕絲
繁念鬢衰擬鹽吟舊句授簡幕前規捧贈同燕石多慙失
所宜

春雪

看雪乘清旦無人坐獨謠拂花輕尚起落地暖初銷已訝

陵歌扇還來伴舞罽灑篁留密節著柳送長條入鏡鸞窺
沼行天馬度橋徧堦憐可掬滿樹戲成搖江浪迎濤日風
毛縱獵朝弄閑時細轉爭急忽驚飄城險疑懸布砧寒未
擣綃莫愁陰景促夜色自相饒

聞梨花發贈劉師命

桃溪惆悵不能過紅豔紛紛落地多聞道郭西千樹雪欲
將君去醉如何

春雪間早梅

梅將雪共春彩豔不相因逐吹去聲能爭密排枝巧妬新誰
令香滿座獨使淨無塵芳意饒呈瑞寒光助照人玲瓏開
已徧點綴坐來頻那是俱疑似須知兩逼真熒煌初亂眼

浩蕩忽迷神未許瓊華比從將玉樹親先期迎獻歲更伴
占茲辰願得長輝映輕微敢自珍

早春雪中聞鶯

朝鶯雪裏新雪樹眼前春帶澁先迎氣侵寒已報人共矜
初聽早誰貴後聞頻暫轉那成曲孤鳴豈及辰風霜徒自
保桃李詎相親寄謝幽棲友辛勤不爲身

梨花下贈劉師命

洛陽城外清明節百花寥落梨花發今日相逢瘴海頭共
驚爛漫開正月

和歸工部送僧約

早知皆是自拘囚不學因循到白頭汝旣出家還擾擾何

人更得死前休

入關詠馬

歲老豈能克上駟力微當自慎前程不知何故翻驥首牽
過關門妄一鳴

木芙蓉

新開寒露叢遠比水間紅豔色寧相妬嘉名偶自同採江
官渡晚寒木古祠空願得勤來看無令便逐風

題張十一旅舍三詠

榴花

五月榴花照眼明枝間時見子初成可憐此地無車馬顛
倒青苔落絳英

井

賈誼宅中今始見
葛洪山下昔曾窺
寒泉百尺空看影
正是行人渴死時

蒲萄

新莖未徧半猶枯
高架支離倒復扶
若欲滿盤堆馬乳
莫辭添竹引龍鬚

峽石西泉

居然鱗介不能容
石眼環環水一鍾
聞說旱時求得雨
祇疑科斗是蛟龍

梁國惠康公主挽歌二首

定謚芳聲遠移封大國
新異宮尊長女台
室屬良人河漢

重泉夜梧桐半樹春
龍輻音非厭切翟丁歷切還輶禁城

塵

秦地吹簫女
湘波鼓瑟妃
佩蘭初應夢
奔月竟淪輝
夫族迎蒐去
宮官會葬歸
從今沁園草
無復更芳菲

和崔舍人詠月二十韻

三秋端正月
今夜出東溟
對日猶分勢
騰天漸吐靈
未高丞遠氣
斗上霽孤形
赫奕當躔次
虛徐度杳冥
長河晴散霧
列宿曙分螢
浩蕩英華溢
瀟疎物象泠
池邊臨倒照
簷際送橫經
花樹參差見
臯禽斷續聆
牖光窺寂寞
砧影伴娉婷
幽坐看侵戶
閑吟愛滿庭
揮斜通壁練
彩碎射沙星
清瀌雲間路
空涼水上亭
淨堪分顧兔
細得數飄萍
山翠

韓文
相疑綠林煙共暮青過隅驚桂側當午覺輪停屬音思摘
霞錦追歡罄縹緋郡樓何處望隴笛此時聽右掖連台座
重門限禁扃風臺觀滉漾冰砌步青熒獨有虞庠客無田
拾落糞

詠雪贈張籍

只見縱橫落寧知遠近來飄飄還自弄歷亂竟誰催座暖
銷那怪池清失可猜坳中初蓋底垤處遂成堆慢有先居
後輕多去却迴度前鋪瓦隴發本積牆隈穿細時雙透乘
危忽半摧舞深逢坎井集早值層臺砧練終宜擣階純未
暇裁城寒裝睥睨樹凍裹莓苔片片勻如翦紛紛碎若按
奴音回定非燁鵠鷺真是屑瓊瑰音緯音微音繡音忽音觀朝萼冥茫矚

晚埃當牕恒凜凜出戶即皚皚音壓野榮芝茵傾都委貨
財娥嬉華蕩漾胥怒浪崔嵬磧迥疑浮地雲平想輾雷隨
車翻縞帶逐馬散銀盃萬屋漫汗音合千株照曜開松篁
遭挫抑糞壤獲饒培隔絕門庭遽擠排陞級纔豈堪裨嶽
鎮強欲效鹽梅隱匿瑕疵盡包羅委瑣該誤雞宵呢喔驚
雀暗徘徊浩浩過三暮悠悠巾九垓鯨鯢陸死骨玉石火
炎灰厚慮填溟壑高愁擻音斗魁日輪埋欲側坤軸壓將
頽岸類長蛇攪陵猶巨象脰水官夸傑黠木氣怯胚胎著
地無由卷連天不易推龍魚冷蟄苦虎豹餓號哀巧借奢
華便專繩困約災威貪陵布被光肯離金壘賞玩指他事
歌謠放我才狂教詩碑硯興與酒陪鯁音惟子能諳耳

諸人得語哉助留風作黨勸坐火爲媒雕刻文刀利搜求
智網恢莫煩相屬和傳示及提孩

酬王二十舍人雪中見寄

三日柴門擁不開階平庭滿白皚皚今朝蹋作瓊瑤跡爲
有詩從鳳沼來

送侯喜

已作龍鍾後時者懶於街裏蹋塵埃如今便別長官去直
到新年衙日來

學諸進士作精衛銜石填海

鳥有償冤者終年抱寸誠口銜山石細心望海波平渺渺
功難見區區命已輕人皆譏造次我獨賞專精豈計休無

日惟應盡此生何慙刺客傳不著報讎名

奉酬振武胡十二丈大夫

傾朝共羨寵光頻半歲遷騰作虎臣戎旆暫停辭社樹里
門先下敬鄉人橫飛玉盞家山曉遠蹀金珂塞草春自笑
平王誇膽氣不離文字鬢毛新

奉和庫部盧四兄曹長元日朝迴

天仗宵嚴建羽旄春雲送色曉鷄號金爐香動螭頭暗玉
佩聲來雉尾高戎服上趨承北極儒冠列侍映東曹太平
時節難身遇郎署何須歎二毛

寒食直歸遇雨

寒食時看度春遊事已遠風光連日直陰雨半朝歸不見

紅毬上那論綵索飛惟將新賜火向曙著朝衣

送李六協律歸荆南

早日羈遊所春風送客歸柳花還漠漠江燕正飛飛歌舞
知誰在宿僚逐使非宋亭池水綠莫忘蹋芳菲

題百葉桃花

百葉雙桃晚更紅窺牖映竹見玲瓏應知侍史歸天上故
伴僊郎宿禁中

春雪

新年都未有芳華二月初驚見草芽白雪却嫌春色晚故
穿庭樹作飛花

戲題牡丹

幸自同開俱隱約何須相倚闥輕盈陵晨併作新粧面對
客偏含不語情雙燕無機還拂掠游蜂多思正經營長年
是事皆拋盡今日欄邊暫眼明

盆池五首

老翁真箇似童兒汲水埋盆作小池一夜青蛙鳴到曉恰
如方口釣魚時

莫道盆池作不成藕梢初種已齊生從今有雨君須記來
聽蕭蕭打葉聲

瓦沼晨朝水自清小蟲無數不知名忽然分散無蹤影惟
有魚兒作隊行

泥盆淺小詎成池夜半青蛙聖得知一聽暗來將伴侶不

煩鳴喚鬪雄雌

池光天影共青青拍岸纔添水數餅且待夜深明月去試
看涵泳幾多星

芍藥

浩態狂香昔未逢紅燈爍爍綠盤籠覺來獨對情驚恐身
在僊宮第幾重

奉和號州劉給事使君三堂新題二十一詠

號州刺史宅連水池竹林往往爲亭臺島渚目其處爲三
堂劉兄自給事中出刺此州在任逾歲職修人治州中稱
無事頗復增飾從子弟而遊其間又作二十一詩以詠其
事流行京師文士爭和之余與劉善故亦同作

新亭

湖上新亭好公來日出初水文浮枕簟瓦影蔭龜魚

流水

汨汨幾時休從春復到秋只言池未滿池滿強交流

竹洞

竹洞何年有公初斫竹開洞門無鎖鑰俗客不曾來

月臺

南館城陰闊東湖水氣多直須臺上看始奈月明何

渚亭

自有人知處那無步往蹤莫教安四壁面面看芙蓉

竹溪

藹藹溪流慢慢梢梢岸篠長穿沙碧斡淨落水紫苞香

北湖

聞說遊湖棹尋常到此迴應留醒心處準擬醉時來

花島

蜂蝶去紛紛香風隔岸聞欲知花島處水上覓紅雲

柳溪

柳樹誰人種行行夾岸高莫將條繫纜著處有蟬號

西山

新月迎宵挂晴雲到晚留爲遮西望眼終是懶迴頭

竹逕

無塵從不掃有鳥莫令彈若要添風月應除數百竿

荷池

風雨秋池上高荷蓋水繁未諳鳴撼撼那似卷翻翻

稻畦

罌布畦堪數枝分水莫尋魚肥知已秀鶴沒覺初深

柳巷

柳巷還飛絮春餘幾許時吏人休報事公作送春詩

花源

源上花初發公應日日來丁寧紅與紫慎莫一時開

北樓

郡樓乘曉上盡日不能迴晚色將秋至長風送月來

鏡潭

非鑄復非鎔泓澄忽此逢魚蝦不用避只是照蛟龍

孤嶼

朝遊孤嶼南暮戲孤嶼北所以孤嶼鳥與公盡相識

方橋

非閣復非船可居兼可過君欲問方橋方橋如此作

音佐

梯橋

乍似上青冥初疑躡苗苗自無飛僊骨欲度何由敢

月池

寒池月下明新月池邊曲若不妬清妍却成相映燭

遊城南十六首

賽神

白布長衫紫領巾差科未動是閑人麥苗含穰桑生葦共

向田頭樂社神

題于賓客莊

榆莢車前蓋地皮薔薇醮水筍穿籬馬蹄無入朱門跡縱

使春歸可得知

晚春

草樹知春不久歸百般紅紫鬪芳菲楊花榆莢無才思惟

解漫天作雪飛

落花

已分將身著地飛那羞踐蹋損光暉無端又被春風誤吹

落西家不得歸

楸樹二首

幾歲生成爲大樹一朝纏繞困長藤誰人與脫青羅幘看吐高花萬萬層

幸自枝條能樹立可煩羅蔓作交加傍人不解尋根本却道新花勝舊花

風折花枝

浮豔侵天難就看清香撲地只遙聞春風也是多情思故揀繁枝折贈君

贈同遊

喚起惺全曙催歸日未西無心花裏鳥更與盡情啼

贈張十八助教

喜君眸子重清朗攜手城南歷舊遊忽見孟生題竹處相看淚落不能收

題韋氏莊

昔者誰能比今來事不同寂寞青草曲散漫白榆風架倒藤全落籬崩竹半空寧湏惆悵立翻覆本無窮

晚雨

廉纖晚雨不能晴池岸草間蚯蚓鳴投竿跨馬蹋歸路纔到城門打鼓聲

出城

暫出城門蹋青草遠於林下見春山應湏韋杜家家到祇有今朝一日閑

把酒

擾擾馳名者誰能一日閑我來無伴侶把酒對南山

嘲少年

直把春償酒都將命乞音花祇知閑信馬不覺誤隨車

楸樹

青幢紫蓋立童童細雨浮煙作綵籠不得畫師來貌音取

定知難見一生中

遣興

斷送一生惟有酒尋思百計不如閑莫憂世事兼身事須

著人間比夢間

韓文卷之九終

韓文卷之十

律詩凡八十首

送李尚書赴襄陽八韻

帝憂南國切改命付忠良壤畫星搖動旗分獸簸揚五營
兵轉肅千里地還方控帶荆門遠飄浮漢水長賜書寬屬
郡戰馬隔鄰疆縱獵雷霆迅觀棊玉石忙風流峴首客花
豔大堤倡富貴由身致誰教不自強

和席八十二韻

絳闕銀河曙東風右掖春官隨名共美花與思俱新綺陌
朝遊間綾衾夜直頻橫門開日月高閣切星辰庭變寒前
草天銷霽後塵溝聲通苑急柳色壓城勻綸綍謀猷盛丹

青步武親芳菲令斧藻光景暢形神傍砌看紅藥巡池詠
白蘋多情懷酒伴餘事作詩人倚玉難藏拙吹竽久混真
坐慙空自老江海未還身

和武相公早春聞鶯

早晚飛來入錦城誰人教解百般鳴春風紅樹驚眠處似
妬歌童作豔聲

太安池

闕

遊太平公主山莊

公主當年欲占春故將臺榭押城闔欲知前面花多少直
到南山不屬人

晚春

誰收春色將歸去慢綠妖紅半不存榆莢祇能隨柳絮等
閑撩亂走空園

太行皇太后挽歌詞三首

一紀尊名正三時孝養榮高居朝聖主厚德載群生武帳
虛中禁玄堂掩太平秋天笳鼓歇松栢徧山鳴

威儀備吉凶文物雜軍容配地行新祭因山託故封鳳飛
終不返劒化會相從無復臨長樂空聞報曉鍾

追攀萬國來警衛百神陪畫翬登秋殿容衣入夜臺雲隨
僊馭遠風助聖情哀只有朝陵日糝奩一暫開

廣宣上人頻見過

三百六旬長擾擾不衝風雨即塵埃久慙朝士無裨補空

愧高僧數往來學道窮年何所得吟詩竟日未能迴天寒
古寺遊人少紅葉牕前有幾堆

閑遊二首

雨後來更好繞池徧青青柳花閑度竹菱葉故穿萍獨坐
殊未厭孤斟詎能醒持竿至日暮幽詠欲誰聽

茲遊苦不數再到遂經旬萍蓋汗池淨藤籠老樹新林鳥
鳴訝客岸竹長遮鄰子雲祇自守奚事九衢塵

酬馬侍郎寄酒

一壺情所寄四句意能多秋到無詩酒其如月色何

和侯協律詠筍

竹亭人不到新筍滿前軒乍出真堪賞初多未覺煩成行

齊婢僕環立比兒孫驗長常攜尺愁乾屢側盆對吟忘膳

飲偶坐變朝昏滯雨膏腴溼驕陽氣候温得時方張王去並

聲挾勢欲騰騫見角牛羊没看皮虎豹存攢生猶有隙散

布忽無垠詎可持籌筭誰能以理言縱橫公占地羅列暗

連根狂劇時穿壁群強幾觸藩深潛如避逐遠去若追奔

始訝妨人路還驚入藥園萌芽防寢大覆載莫偏恩已復

侵危砌非徒出短垣身寧虞瓦礫計擬揜蘭蓀且歎高無

數庸知上幾番短長終不校先後竟誰論外恨苞藏密中

仍節目繁暫須迴步履要取助盤飧穰穰疑翻地森森競

塞門戈矛頭戢戢蛇虺首掀掀婦懦咨料音揀兒癡謁盡

髡侯生來慰我詩句讀驚魂屬和才將竭呻吟至日暝

過鴻溝

龍疲虎困割川原億萬蒼生性命存誰勸君王回馬首真成一擲賭乾坤

送張侍郎

司徒東鎮馳書謁丞相西來走馬迎兩府元臣今轉密一方逋寇不難平

贈刑部馬侍郎

紅旗照海壓南荒徵入中臺作侍郎暫從相公平小寇便歸天闕致時康

奉和裴相公東征途經女几山下作

旗穿曉日雲霞雜山倚秋空劔戟明敢請相公平賊後暫

攜諸吏上崢嶸

鄆城晚飲奉贈副使馬侍郎及馮李二員外

城上赤雲呈勝氣眉間黃色見歸期幕中無事惟須飲即是連鑣向闕時

酬別留後侍郎

爲文無出相如右謀帥難居郤穀先歸去雪銷溱洧動西來旌旆拂晴天

同李二十八夜次襄城

周楚仍連接川原乍屈盤雲垂天不暖塵漲雪猶乾印綬歸台室旌旗別將壇欲知迎候盛騎火萬星攢

同李二十八員外從裴相公野宿西界

四面星辰著地明散燒煙火宿天兵不關破賊須歸奏自
趁新年賀太平

過襄城

郾城辭罷過襄城潁水嵩山刮眼明已去蔡州三百里家
人不用遠來迎

宿神龜招李二十八馮十七

荒山野水照斜暉啄雪寒鴉趁始飛夜宿驛亭愁不睡幸
來相就蓋征衣

次硤石

數日方離雪今朝又出山試憑高處望隱約見潼關
和李司勳過連昌宮

夾道踈槐出老根高甍巨榭壓山原宮前遺老來相問今
是開元幾葉孫

次潼關先寄張十二閣老使君

荆山已去華山來日出潼關四扇開刺史莫辭迎候遠相
公親破蔡州迴

次潼關上都統相公

暫辭堂印執兵權盡管諸軍破賊年冠蓋相望催入相待
將功德格皇天

桃林夜賀晉公

西來騎火照山紅夜宿桃林臘月中手把命珪兼相印一
時重疊賞元功

送李員外院長分司東都

去年秋露下羈旅逐東征今歲春光動驅馳別上京
飲中相顧色送後獨歸情兩地無千里因風數寄聲

晉公破賊回重拜台司以詩示幕中賓客愈奉和

南伐旋師太華東天晝夜到冊元功將軍舊壓三司貴
相國新兼五等崇鸛鷺欲歸僊仗裏熊羆還入禁營中
長慙典午非材職得就閑官即至公

獨釣四首

侯家林館勝偶入得垂竿曲樹行藤角平池散
芡盤羽沈知食駛緡細覺牽難聊取夸兒女榆條繫從鞍
一逕向池斜池塘野草花雨多添柳耳水長減蒲芽坐厭

親刑柄偷來傍釣車太平公事少吏隱詎相賒

獨往南塘上秋晨景氣醒露排四岸草風約半池萍
鳥下見人寂魚來聞餌馨所嗟無可召不得倒吾鉞

秋半百物變溪魚去不來風能坼芡觜露亦染黎顛
遠岫重疊出寒花散亂開所期終莫至日暮與誰迴

枯樹

老樹無枝葉風霜不復侵腹穿人可過皮剝蟻還尋
寄託惟朝菌依投絕暮禽猶堪持改火未肯但空心

元日酬蔡州馬十二尚書去年蔡州元日見寄之什

元日新詩已去年蔡州遙寄荷相憐今朝縱有誰人領
自是三峰不敢眠

詠燈花同侯十一

今夕知何夕花然錦帳中自能當雪暖那肯待春紅黃裏
排金粟釵頭綴玉蟲更煩將喜事來報主人公

祖席 前字

祖席洛橋邊親交共黯然野晴山簇簇霜曉菊鮮鮮書寄
相思處盃街欲別前淮陽知不薄終願早迴船

秋字

淮南悲木落而我亦傷秋況與故人別那堪羈宦愁榮華
今異路風雨苦同憂莫以宜春遠江山多勝遊

送鄭尚書赴南海

番音禺音愚軍府盛欲說暫停盃蓋海旂幢出連天觀閣開

衙時龍戶集上日馬人來風靜鷄鷓去官廉蚌蛤迴貨通
師子國樂奏武王臺事事皆殊異無嫌屈大才

答道士寄樹雞

軟濕青黃狀可猜欲烹還喚木盤迴煩君自入華陽洞直
割乖龍左耳來

左遷至藍關示姪孫湘

一封朝奏九重天夕貶潮州路八千欲爲聖明除弊事肯
將衰朽惜殘年雲橫秦嶺家何在雪擁藍關馬不前知汝
遠來應有意好收吾骨瘴江邊

武關西逢配流吐蕃

嗟爾戎人莫慘然湖南地近保生全我今罪重無歸望直

去長安路八千

次鄧州界

潮陽南去倍長沙戀闕那堪又憶家心訝愁來惟貯火眼
知別後自添花商顏暮雪逢人少鄧鄙春泥見驛賒早晚
王師收海嶽普將雷雨發萌芽

題臨龍寺

不覺離家已五千仍將衰病入瀧船潮陽未到吾能說海
氣昏昏水拍天

晚次宣溪辱韶州張端公使君惠書叙別酬以絕句

二章

韶州南去接宣溪雲水蒼茫日向西客淚數行元自落鷓

鴟休傍耳邊啼

兼金那足比清文百首相隨愧使君俱是嶺南巡管內莫
欺荒僻斷知聞

題秀禪師房

橋夾水松行百步竹牀莞席到僧家暫奉一手支頭臥選
把魚竿下釣沙

將至韶州先寄張端公使君借圖經

曲江山水聞來久恐不知名訪倍難願借圖經將入界每
逢佳處便開看

過始興江口感懷

憶作兒童隨伯氏南來今只一身存目前百口還相逐舊

事無人可共論

韶州留別張端公使君

來往再逢梅柳新別離一醉綺羅春
久欽江總文才妙自歎虞翻骨相屯
鳴笛急吹爭落日清歌緩送欵行人
已知奏課當徵拜那復淹留詠白蘋

量移袁州張韶州端公以詩相賀因酬之

明時遠逐事何如遇赦移官罪未除
北望詎令隨塞鴈南遷纔免葬江魚
將經貴郡煩留客先惠高文謝起予
暫欲繫船韶石下上賓虞舜整冠裾

次石頭驛寄江西王十中丞閣老

憑高試迴首一望豫章城人由戀德泣馬亦別群
鳴寒日

夕始照風江遠漸平默然都不語應識此時情

遊西林寺題蕭二兄郎中舊堂

中郎有女能傳業伯道無兒可保家
偶到匡山曾住處幾行衰淚落煙霞

自袁州還京行次安陸先寄隨州周員外

行行指漢東暫喜笑言同雨雪離江上薰葭出夢中
面猶含瘡色眼已見華風歲暮難相值酣歌未可終

題廣昌館

白水龍飛已幾春偶逢遺跡問耕人
丘墳發掘當官路何處南陽有近親

寄隨州周員外

陸孟丘楊父作塵同時存者更誰人金丹別後知傳得乞
取刀圭救病身

酒中留上襄陽李相公

濁水汙泥清路塵還曾同制掌絲綸眼穿長訝雙魚斷耳
熱何辭數爵頻銀燭未銷窓送曙金釵半醉座添春知公
不义歸鈞軸應許閑官寄病身

去歲自刑部侍郎以罪貶潮州刺史乘驛赴任其後

家亦譴逐小女道死殯之層峰驛旁山下蒙恩還

朝過其墓留題驛梁

數條藤束木皮棺草殯荒山白骨寒驚恐入心身已病扶
昇音余沿路衆知難繞墳不暇號三帀設祭惟聞飯一盤致

汝無辜由我罪百年慙痛淚闌干

賀張十八秘書得裴司空馬

司空遠寄養初成毛色桃花眼鏡明落日已曾交轡語春
風還擬並鞍行長令奴僕知饑渴須着賢良待性情旦夕
公歸伸拜謝免勞騎去逐雙旌

杏園送張徹侍御歸使

東風花樹下送爾出京城父抱傷春意新添惜別情歸來
身已病相見眼還明更遣將詩酒誰家逐後生

雨中寄張博士籍侯主簿喜

放朝還不報半路蹋泥歸雨慣曾無節雷頻自失威見牆
生菌徧憂麥作蛾飛歲晚徧蕭索誰當救晉饑

奉和兵部張侍郎酬鄆州馬尚書祗召途中見寄開
緘之日馬帥已再領鄆州之作

來朝當路日承詔改轍時再領湏句音勃國仍遷少昊司暖
風抽宿麥清雨卷歸旗賴寄新珠玉長吟慰我思

早春與張十八博士籍遊楊尚書林亭寄第三閣老

兼呈白馮二閣老

牆下春渠入禁溝渠冰初破滿渠浮鳳池近日長先暖流
到池時更不流

奉使常山早次太原呈副使吳郎中

朗朗聞街鼓晨起似朝時翻翻走驛馬春盡是歸期地失
嘉禾處風存蟋蟀辭暮齒良多感無事涕垂頤

夕次壽陽驛題吳郎中詩後

風光欲動別長安春半邊城特地寒不見園花兼巷柳馬
頭惟有月團團

鎮州初歸

別來楊柳街頭樹擺弄春風只欲飛還有小園桃李在留
花不發待郎歸

同水部張員外曲江春遊寄白二十二舍人

漠漠輕陰晚自開青天白日映樓臺曲江水滿花千樹有
底忙時不肯來

和水部張員外宣政衙賜百官櫻桃詩

漢家舊種明光殿炎帝還書本草經豈似滿朝承雨露共

看傳賜出青冥香隨翠籠擎初到色映銀盤寫未停食罷
自知無所報空然慙汗仰皇肩

早春呈水部張十八員外二首

天街小雨潤如酥草色遙看近却無最是一年春好處絕
勝煙柳滿皇都

莫道官忙身老大即無年少逐春心憑君先到江頭看柳
色如今深未深

送桂州嚴大夫

蒼蒼森八桂茲地在湘南江作青羅帶山如碧玉簪同戶
多輸翠羽家自種黃甘遠勝登僊去飛鸞不假驂

奉酬天平馬十二僕射暇日言懷見寄之作

天平篇什外政事亦無雙威令加徐土儒風被魯邦清爲

公論重寬得士心降歲晏偏相憶長謠坐北牕

奉使鎮州行次承天行營奉酬裴司空

竄逐三年海上歸逢公復此著征衣旋吟佳句還鞭馬恨
不身先去鳥飛

鎮州路上謹酬裴司空相公重見寄

銜命山東撫亂師日馳三百自嫌遲風霜滿面無人識何
處如今更有詩

奉和僕射裴相公感恩言志

文武成功後居爲百辟師林園窮勝事鍾鼓樂清時擺落
遺高論雕鐫出小詩自然無不可范蠡爾其誰

和僕射相公朝迴見寄

盡瘁年將久公今始暫閑事隨憂共減詩與酒俱還放意
機衡外收身矢石間秋臺風日迴正好看前山

奉和李相公題蕭家林亭

山公自是林園主歎惜前賢造作時岩洞幽深門盡鎖不
因丞相幾人知

奉和杜相公太清宮紀事陳誠上李相公十六韻

耒耜興姬國輔切丑倫標建夏家在功誠可尚於道詎為華
象帝威容大僊宗寶曆賒衛門羅戟架圖壁雜龍蛇禮樂
追尊盛乾坤降福遐四真皆齒列二聖亦肩差陽月時之
首陰泉氣耒牙殿階鋪水碧庭炬圻金葩紫極觀忘倦青

詞奏不譁音錚宏音宏宮夜闢音才嘯音曠鼓晨音槌音瓜藝味

陳奚取名香薦孔嘉垂祥紛可錄俾壽浩無涯貴相山瞻
峻清文玉絕瑕代工聲問遠攝事敬恭加皎潔當天月歲
蕤捧日霞唱妍酬亦麗俛仰但稱嗟

韓文卷之十終

韓文卷之十一

韓文卷之十一

雜著

原道

博愛之謂仁行而宜之之謂義由是而之焉之謂道足乎已無待於外之謂德仁與義為定名道與德為虛位故道有君子小人而德有凶有吉老子之小仁義非毀之也其見者小也坐井而觀天曰天小者非天小也彼以煦煦為仁孑孑為義其小之也則宜其所謂道道其所道非吾所謂道也其所謂德德其所德非吾所謂德也凡吾所謂道德云者合仁與義言之也天下之公言也老子之所謂道德云者去仁與義言之也一人之私言也周道衰孔子沒

火于秦黃老于漢佛于晉魏梁隋之間其言道德仁義者
不入于楊則入于墨不入于老則入于佛入于彼必出于
此入者主之出者奴之入者附之出者汙之噫後之人其
欲聞仁義道德之說孰從而聽之老者曰孔子吾師之弟
子也佛者曰孔子吾師之弟子也爲孔子者習聞其說樂
其誕而自小也亦曰吾師亦嘗云爾不惟舉之於其口而
又筆之於其書噫後之人雖欲聞仁義道德之說其孰從
而求之甚矣人之好怪也不求其端不訊其末惟怪之欲
聞古之爲民者四今之爲民者六古之教者處其一今之
教者處其三農之家一而食粟之家六工之家一而用器
之家六賈之家一而資焉之家六奈之何民不窮且盜也

古之時人之害多矣有聖人者立然後教之以相生養之
道爲之君爲之師驅其蟲蛇禽獸而處之中土寒然後爲
之衣饑然後爲之食木處而顛土處而病也然後爲之宮
室爲之工以贍其器用爲之賈以通其有無爲之醫藥以
濟其天死爲之葬埋祭祀以長其恩愛爲之禮以次其先
後爲之樂以宣其壹鬱爲之政以率其怠勸爲之刑以鋤
其強梗相欺也爲之符璽斗斛權衡以信之相奪也爲之
城郭甲兵以守之害至而爲之備患生而爲之防今其言
曰聖人不死大盜不止剖斗折衡而民不爭嗚呼其亦不
思而已矣如古之無聖人人之類滅久矣何也無羽毛鱗
介以居寒熱也無爪牙以爭食也是故君者出令者也臣

者行君之令而致之民者也民者出粟米麻絲作器皿通
貨財以事其上者也君不出令則失其所以爲君臣不行
君之令而致之民民不出粟米麻絲作器皿通貨財以事
其上則誅今其法曰必棄而君臣去而父子禁而相生養
之道以求其所謂清淨寂滅者嗚呼其亦幸而出於三代
之後不見黜於禹湯文武周公孔子也其亦不幸而不出
於三代之前不見正於禹湯文武周公孔子也帝之與王
其號名殊其所以爲聖一也夏葛而冬裘渴飲而饑食其
事殊其所以爲智一也今其言曰曷不爲太古之無事是
亦責冬之裘者曰曷不爲葛之之易也責饑之食者曰曷
不爲飲之之易也傳曰古之欲明明德於天下者先治其

國欲治其國者先齊其家欲齊其家者先脩其身欲脩其
身者先正其心欲正其心者先誠其意然則古之所謂正
心而誠意者將以有爲也今也欲治其心而外天下國家
滅其天常子焉而不父其父臣焉而不君其君民焉而不
事其事孔子之作春秋也諸侯用夷禮則夷之進於中國
則中國之經曰夷狄之有君不如諸夏之亡詩曰戎狄是
膺荆舒是懲今也舉夷狄之法而加之先王之教之上幾
何其不胥而爲夷也夫所謂先王之教者何也博愛之謂
仁行而宜之之謂義由是而之焉之謂道足乎已無待於
外之謂德其文詩書易春秋其法禮樂刑政其民士農工
賈其位君臣父子師友賓主昆弟夫婦其服麻絲其居宮

室其食粟米果蔬魚肉其爲道易明而其爲教易行也是故以之爲已則順而祥以之爲人則愛而公以之爲心則和而平以之爲天下國家無所處而不當是故生則得其情死則盡其常郊焉而天神假廟焉而人鬼饗曰斯道也何道也曰斯吾所謂道也非向所謂老與佛之道也堯以是傳之舜舜以是傳之禹禹以是傳之湯湯以是傳之文武周公文武周公傳之孔子孔子傳之孟軻軻之死不得其傳焉荀與揚也擇焉而不精語焉而不詳由周公而上而爲君故其事行由周公而天下而爲臣故其說長然則如之何而可也曰不塞不流不止不行人其人火其書廬其居明先王之道以道之鰥寡孤獨廢疾者有養也其亦庶乎其可也

原性

性也者與生俱生也情也者接於物而生也性之品有三而其所以爲性者五情之品有三而其所以爲情者七曰何也曰性之品有上中下三上焉者善焉而已矣中焉者可導而上下也下焉者惡焉而已矣其所以爲性者五曰仁曰禮曰信曰義曰智上焉者之於五也主於一而行於四中焉者之於五也一不少有焉則少反焉其於四也混下焉者之於五也反於一而悖於四性之於情視其品情之品有上中下三其所以爲情者七曰喜曰怒曰哀曰懼曰愛曰惡曰欲上焉者之於七也動而處其中中焉者之

於七也有所甚有所亡然而求合其中者也下焉者之於
七也亡與甚直情而行者也情之於性視其品孟子之言
性曰人之性善荀子之言性曰人之性惡揚子之言性曰
人之性善惡混夫始善而進惡與始惡而進善與始也混
而今也善惡皆舉其中而遺其上下者也得其一而失其
二者也叔魚之生也其母視之知其必以賄死楊食我之
生也叔向之母聞其號平聲也知必滅其宗越椒之生也子
文以爲大戚知若敖氏之鬼不食也人之性果善乎后稷
之生也其母無災其始匍匐也則岐岐然嶷嶷魚力然文切
王之在母也母不憂既生也傅不勤既學也師不煩人之
性果惡乎堯之朱舜之均文王之管蔡習非不善也而卒

爲姦瞽叟之舜鯀之禹習非不惡也而卒爲聖人之性善
惡果混乎故曰三子之言性也舉其中而遺其上下者也
得其一而失其二者也曰然則性之上下者其終不可移
乎曰上之性就學而愈明下之性畏威而寡罪是故上者
可教而下者可制也其品則孔子謂不移也曰今之言性
者異於此何也曰今之言者雜佛老而言也雜佛老而言
也者奚言而不異

原毀

古之君子其責已也重以周其待人也輕以約重以周故
不怠輕以約故人樂爲善聞古之人有舜者其爲人也仁
義人也求其所以爲舜者責於已曰彼人也予人也彼能

是而我乃不能是早夜以思去其不如舜者就其如舜者
聞古之人有周公者其爲人也多才與藝人也求其所以
爲周公者責於已曰彼人也予人也彼能是而我乃不能
是早夜以思去其不如周公者就其如周公者舜大聖人
也後世無及焉周公大聖人也後世無及焉是人也乃曰
不如舜不如周公吾之病也是不亦責於身者重以周乎
其於人也曰彼人也能有是是足爲良人矣能善是是足
爲藝人矣取其一不責其二卽其新不究其舊恐然惟
懼其人之不得爲善之利一善易修也一藝易能也其於
人也乃曰能有是是亦足矣曰能善是是亦足矣不亦待
於人者輕以約乎今之君子則不然其責人也詳其待已

也廉詳故人難於爲善廉故自取也少已未有善曰我善
是是亦足矣已未有能曰我能是是亦足矣外以欺於人
內以欺於心未少有得而止矣不亦待其身者已廉乎其
於人也曰彼雖能是其人不足稱也彼雖善是其用不足
稱也舉其一不計其十究其舊不圖其新恐然惟懼其
人之有聞也是不亦責於人者已詳乎夫是之謂不以衆
人待其身而以聖人望於人吾未見其尊已也雖然爲是
者有本有原怠與忌之謂也怠者不能修而忌者畏人修
吾常試之矣嘗試語於衆曰某良士某良士其應者必其
人之與也不然則其所踈遠不與同其利者也不然則其
畏也不若是強者必怒於言懦者必怒於色矣又嘗語於

衆曰其非良士其非良士其不應者必其人之與也不然則其所踈遠不與同其利者也不然則其畏也不若是強者必說於言懦者必說於色矣是故事修而謗興德高而毀來嗚呼士之處此世而望名譽之光道德之行難已將有作於上者得吾說而存之其國家可幾而理歟

原人

形於上者謂之天形於下者謂之地命於其兩間者謂之人形於上日月星辰皆天也形於下草木山川皆地也命於其兩間夷狄禽獸皆人也曰然則吾謂禽獸人可乎曰非也指山而問焉曰山乎曰山可也山有草木禽獸皆舉之矣指山之一草而問焉曰山乎曰山則不可故天道亂而日月星辰不得其行地道亂而草木山川不得其平人道亂而夷狄禽獸不得其情天者日月星辰之主也地者草木山川之主也人者夷狄禽獸之主也主而暴之不得其爲主之道矣是故聖人一視而同仁篤近而舉遠

原鬼

有嘯於梁從而燭之無見也斯鬼乎曰非也鬼無聲有立於堂從而視之無見也斯鬼乎曰非也鬼無形有觸吾躬從而執之無得也斯鬼乎曰非也鬼無聲與形安有氣曰鬼無聲也無形也無氣也果無鬼乎曰有形而無聲者物有之矣土石是也有聲而無形者物有之矣風霆是也有聲與形者物有之矣人獸是也無聲與形者物有之矣鬼

神是也曰然則有怪而與民物接者何也曰是有二有鬼有物漠然無形與聲者鬼之常也民有忤於天有違於民有爽於物逆於倫而感於氣於是乎鬼有形於形有憑於聲以應之而下殃禍焉皆民之爲之也其旣也又反乎其常曰何謂物曰成於形與聲者土石風霆人獸是也反乎無聲與形者鬼神是也不能有形與聲不能無形與聲者物怪是也故其作而接於民也無恒故有動於民而爲禍亦有動於民而爲福亦有動於民而莫之爲禍福適丁民之有是時也作原鬼

行難

或問行孰難曰捨我之矜從爾之稱孰能之曰陸先生參

何如曰先生之賢聞天下是是而非非貞元中自越州徵拜祠部員外郎京師之人日造焉閉門而拒之滿街愈嘗往間客席先生矜謚其客曰某胥也某商也其生某任之其死某誅之某與某可人也任與誅也非罪歟皆曰然愈曰某之胥某之商其得任與誅也有由乎抑有罪不足任而誅之邪先生曰否吾惡其初不然任與誅也何尤愈曰苟如是先生之言過矣昔者管敬子取盜二人爲大夫於公趙文子舉管庫之士七十有餘家夫惡求其初先生曰不然彼之取者賢也愈曰先生之所謂賢者大賢歟抑賢於人之賢歟齊也晉也且有二與七十而可謂今之天下無其人邪先生之選人也已詳先生曰然愈曰聖人不世

出賢人不時出千百歲之間倘有焉不幸而有出於胥商之族者先生之說傳吾不忍赤子之不得乳於其母也先生曰然他日又往坐焉先生曰今之用人也不詳位乎朝者吾取其與某而已在下者多于朝凡吾與者若干人愈曰先生之與者盡於此乎其皆賢乎抑猶有舉其多而缺其少乎先生曰固然吾敢求其全愈曰由宰相至百執事凡幾位由一方至一州凡幾位先生之得者無乃不足充其位邪不早圖之一朝而舉焉今雖詳其後用也必麤先生曰然子之言孟軻不如

對禹問

或問曰堯舜傳諸賢禹傳諸子信乎曰然然則禹之賢不

及於堯與舜也歟曰不然堯舜之傳賢也欲天下之得其所以傳賢也堯舜之傳子也憂後世爭之之亂也堯舜之利民也大禹之慮民也深曰然則堯舜何以不憂後世曰舜如堯堯傳之禹如舜舜傳之得其人而傳之堯舜也無其人慮其患而不傳者禹也舜不能以傳禹堯爲不知人禹不能以傳子舜爲不知人堯以傳舜爲憂後世禹以傳子爲慮後世曰禹之慮也則深矣傳之子而當不淑則奈何曰時益以難理傳之人則爭未前定也傳之子則不爭前定也前定雖不當賢猶可以守法不前定而不遇賢則爭且亂天之生大聖也不數其生大惡也亦不數傳諸人得大聖然後人莫敢爭傳諸子得大惡然後人受其亂禹之後四百

年然後得桀亦四百年然後得湯與伊尹湯與伊尹不可待而傳也與其傳不得聖人而爭且亂孰若傳諸子雖不得賢猶可守法曰孟子之所謂天與賢則與賢天與子則與子者何也曰孟子之心以爲聖人不苟私於其子以害天下求其說而不得從而爲之辭

雜說四首

龍噓氣成雲雲固弗靈於龍也然龍乘是氣茫洋窮乎玄間薄日月伏光景感震電神變化水下土汨陵谷雲亦靈怪矣哉雲龍之所能使爲靈也若龍之靈則非雲之所能使爲靈也然龍弗得雲無以神其靈矣失其所憑依信不可歟異哉其所憑依乃其所自爲也易曰雲從龍旣曰龍

雲從之矣

善醫者不視人之瘠肥察其脉之病否而已矣善計天下者不視天下之安危察其紀綱之理亂而已矣天下者人也安危者肥瘠也紀綱者脉也脉不病雖瘠不害脉病而肥者死矣通於此說者其知所以爲天下乎夏殷周之衰也諸侯作而戰伐日行矣傳數十王而天下不傾者紀綱存焉耳秦之王天下也無分勢於諸侯聚兵而焚之傳二世而天下傾者紀綱亡焉耳是故四支雖無故不足恃也脉而已矣四海雖無事不足矜也紀綱而已矣憂其所可恃懼其所可矜善醫善計者謂之天扶與之易曰視履考祥善醫善計者爲之

談生之爲崔山君傳稱鶴言者豈不怪哉然吾觀於人其能盡吾性而不類於禽獸異物者希矣將憤世嫉邪長往而不來者之所爲乎昔之聖者其首有若牛者其形有若蛇者其喙有若鳥者其貌有若蒙俱者彼皆貌似而心不同焉可謂之非人邪卽有平脅曼膚顏如渥丹美而狼者貌則人其心則禽獸又惡可謂之人邪然則觀貌之是非不若論其心與其行事之可否爲不失也怪神之事孔子之徒不言余將特取其憤世嫉邪而作之故題之云爾

世有伯樂然後有千里馬千里馬常有而伯樂不常有故雖有名馬祇辱於奴隸人之手駢死於槽櫪之間不以千里稱也馬之千里者一食或盡粟一石食馬者不知其能

千里而食也是馬也雖有千里之能食不飽力不足才美不外見且欲與常馬等不可得安求其能千里也策之不能其道食之不能盡其材鳴之而不能通其意執策而臨之曰天下無馬嗚呼其真無馬邪其真不知馬也

讀荀

始吾讀孟軻書然後知孔子之道尊聖人之道易行王易王霸易霸也以爲孔子之徒沒尊聖人者孟氏而已晚得揚雄書益尊信孟氏因雄書而孟氏益尊則雄者亦聖人之徒歟聖人之道不傳于世周之衰好事者各以其說干時君紛紛籍籍相亂六經與百家之說錯雜然老師大儒猶在火于秦黃老于漢其存而醇者孟軻氏而止耳揚雄

氏而止耳及得荀氏書於是又知有荀氏者也考其辭時若不粹要其歸與孔子異者鮮矣抑猶在軻雄之間乎孔子刪詩書筆削春秋合於道者著之離於道者黜去之故詩書春秋無疵余欲削荀氏之不合者附于聖人之籍亦孔子之志歟孟氏醇乎醇者也荀與楊大醇而小疵

讀鶡冠子

鶡音曷冠子十有九篇其詞雜黃老刑名其博選篇四稽五至之說當矣使其人遇時援其道而施於國家功德豈少哉學問篇稱賤生於無所用中流失船一壺千金者余三讀其辭而悲之文字脫謬爲之正三十有五字乙者三減者二十有二注十有二字云

讀儀禮

余嘗苦儀禮難讀又其行于今者蓋寡公襲不同復之無由考于今誠無所用之然文王周公之法制粗在於是孔子曰吾從周謂其文章之盛也古書之存者希矣百氏雜家尚有可取况聖人之制度邪於是掇其大要竒辭奧旨著千篇學者可觀焉惜乎吾不及其時進退揖讓于其間嗚呼盛哉

讀墨子

儒譏墨以上同兼愛上賢明鬼而孔子畏大人居是邦不非其大夫春秋譏專臣不上同哉孔子泛愛親仁以博施濟衆爲聖不兼愛哉孔子賢賢以四科進褒弟子疾歿世

而名不稱不上賢哉孔子祭如在譏祭如不祭者曰我祭則受福不明鬼哉儒墨同是堯舜同非桀紂同修身正心以治天下國家奚不相悅如是哉余以爲辯生於末學各務售其師之說非二師之道本然也孔子必用墨子墨子必用孔子不相用不足爲孔墨

韓文卷之十一終

韓文卷之十二

雜著

獲麟解

麟之爲靈昭昭也詠於詩書於春秋雜出於傳記百家之書雖婦人小子皆知其爲祥也然麟之爲物不畜於家不恒有於天下其爲形也不類非若馬牛犬豕豺狼麋鹿然然則雖有麟不可知其爲麟也角者吾知其爲牛鬣者吾知其爲馬犬豕豺狼麋鹿吾知其爲犬豕豺狼麋鹿惟麟也不可知不可知則其謂之不祥也亦宜雖然麟之出必有聖人在乎位麟爲聖人出也聖人者必知麟麟之果不爲不祥也又曰麟之所以爲麟者以德不以形若麟之出

不待聖人則謂之不祥也亦宜

師說

古之學者必有師師者所以傳道授業解惑也人非生而知之者孰能無惑惑而不從師其爲惑也終不解矣生乎吾前其聞道也固先乎吾吾從而師之生乎吾後其聞道也亦先乎吾吾從而師之吾師道也夫庸知其年之先後生於吾乎是故無貴無賤無長無少道之所存師之所存也嗟乎師道之不傳也久矣欲人之無惑也難矣古之聖人其出人也遠矣猶且從師而問焉今之衆人其下聖人也亦遠矣而耻學於師是故聖益聖愚益愚聖人之所以爲聖愚人之所以爲愚其皆出於此乎愛其子擇師而教

之於其身也則耻師焉惑矣彼童子之師授之書而習其句讀音豆者非吾所謂傳其道解其惑者也句讀之不知惑之不解或師焉或不焉小學而大遺吾未見其明也巫醫樂師百工之人不耻相師士大夫之族曰師曰弟子云者則群聚而笑之問之則曰彼與彼年相若也道相似也位卑則是羞官盛則近諛嗚呼師道之不復可知矣巫醫樂師百工之人君子不齒今其智乃反不能及其可怪也歟聖人無常師孔子師郯子萇弘師襄老聃郯子之徒其賢不及孔子孔子三人行則必有我師是故弟子不必不如師師不必賢於弟子聞道有先後術業有專攻如是而已李氏子蟠年十七好古文六藝經傳皆通習之不拘於時

韓文 卷之十一
學於余余嘉其能行古道作師說以貽之

進學解

國子先生晨入大學招諸生立館下誨之曰業精于勤荒于嬉行成于思毀于隨方今聖賢相逢治具畢張拔去兇邪登崇峻良占小善者率以錄名一藝者無不庸爬羅剔抉刮垢磨光蓋有幸而獲選孰云多而不揚諸生業患不能精無患有司之不明行患不能成無患有司之不公言未既有笑于列者曰先生欺余哉弟子事先生于茲有年矣先生口不絕吟於六藝之文手不停披於百家之編記事者必提其要纂言者必鉤其玄貪多務得細大不捐焚膏油以繼晷恒兀兀以窮年先生之業可謂勤矣舐排異

端攘斥佛老補苴鐫漏張皇幽眇尋墜緒之茫茫獨旁搜而遠紹障百川而東之迴狂瀾於既倒先生之於儒可謂有勞矣沈浸醲郁含英咀華作為文章其書滿架上規姚姒渾渾無涯周誥殷盤佶屈聳牙春秋謹嚴左氏浮誇易竒而法詩正而葩下逮莊騷太史所錄子雲相如同工異曲先生之於文可謂閱其中而肆其外矣少始知學勇於敢為長通於方左右具宜先生之於為人可謂成矣然而公不見信於人私不見助於友跋前躓後動輒得咎暫為御史遂竄南夷三年博士冗不見治平聲命與仇謀取敗幾時冬暖而兒號寒年豐而妻啼饑頭童齒豁竟死何裨不知慮此而反教人為先生曰吁子來前夫大木為杗音

細木爲楠音薄櫨音盧侏儒音隈闌魚列切居徒點切楔音各得

其宜施以成室者匠氏之工也玉札丹砂赤箭青芝牛溲馬勃敗鼓之皮俱收並蓄待用無遺者醫師之良也登明選公雜進巧拙紆餘爲妍卓犖爲傑校短量長惟噐是適者宰相之方也昔者孟軻好辯孔道以明轍環天下卒老于行苟卿守正大論是弘逃讒于楚廢死蘭陵是二儒者吐辭爲經舉足爲法絕類離倫優入聖域其遇於世何如也今先生學雖勤而不繇其統言雖多而不要其中文雖竒而不濟於用行雖修而不顯於衆猶且月費俸錢歲靡廩粟子不知耕婦不知織乘馬從徒安坐而食踵常途之促促窺陳編以盜竊然而聖主不加誅宰臣不見斥茲非

其幸歟動而得謗名亦隨之投閑置散乃分之宜若夫商財賄之有亡計班資之崇庠音卑忘已量之所稱去聲指前人之瑕疵是所謂詰匠氏之不以杙音弋爲楹而訾醫師以昌陽引年欲進其希音希苓也

本政

周之政文既其弊也後世不知其承大敷古先遂一時之術以明示民民始惑教百氏之說以興其言曰天下可爲也彼之政仁矣反於誼此之政敬矣戾於忠何居我其周從乎曰周不及殷其殷從乎曰夏曰虞曰陶唐曰三皇氏曰遂古之初暴孽情飾淫志枝辭琢正紛紊糾射以僻民和以導民亂嗚呼道之去世其終不復矣乎長民者發一

號施一令民莫不悱然非矣謂不可守遽變而從之譬將
適千里及門而復後雖矻矻決不可暨原其始固有啓之
者也聞於師曰古之君天下者化之不示其所以化之之
道及其弊也易之不示其所以易之之道政以是得民以
是淳其有作者知教化之所繇廢抑詭恠而暢皇極伏文
貌而尚忠質茫乎天運宵爾神化道之行也其庶已乎

守戒

詩曰大邦維翰書曰以蕃王室諸侯之於天子不惟守土
地奉職貢而已固將有以翰蕃之也今人有宅於山者知
猛獸之爲害則必高其柴椽而外施窻徒敢切窻以待之宅
於都者知穿窬之爲盜則必峻其垣牆而內固扃音決以

防之此野人鄙夫之所及非有過人之智而後能也今之
通都大邑介於屈強之間而不知爲之備噫亦惑矣野人
鄙夫能之而王公大人反不能焉豈材力爲有不足歟蓋
以謂不足爲而不爲耳天下之禍莫大於不足爲材力不
足者次之不足爲者敵至不知材力不足者先事而思則
其於禍也有間矣彼之屈強者帶甲荷戈不知其多少其
繇地則千里而與我壤地相錯無有丘陵江河洞庭孟門
之關其間又自知其不得與天下齒朝夕舉踵引頸冀天
下之有事以乘吾之便此其暴於猛獸穿窬也甚矣嗚呼
胡知而不爲之備乎哉賁育之不戒童子之不抗魯鷄之
不期蜀鷄之不支今夫鹿之於豹非不巍然大矣然而卒

爲之禽者爪牙之材不同猛怯之資殊也曰然則如之何而備之曰在得人

丐者王承福傳

丐音烏之爲技賤且勞者也有業之其色若自得者聽其言約而盡問之王其姓承福其名世爲京兆長安農夫天寶之亂發人爲兵持弓矢十三年有官勲棄之來歸喪其土田手鏝衣食餘三十年舍於市之主人而歸其屋食之當焉視時屋食之貴賤而上下其丐之備以償之有餘則以與道路之廢疾餓者焉又曰粟稼而生者也若布與帛必蠶績而後成者也其他所以養生之具皆待人力而後完也吾皆賴之然人不可徧爲宜乎各致其能以相生也故

君者理我所以生者也而百官者承君之化者也任有小大惟其所能若噐皿焉食焉而怠其事必有天殃故吾不敢一日捨鏝以嬉夫鏝易能可力焉又誠有功取其直雖勞無愧吾心安焉夫力易強而有功也心難強而有智也用力者使於人用心者使人亦其宜也吾特擇其易爲而無愧者取焉嘻吾操鏝以入貴富之家有年矣有一至者焉又往過之則爲墟矣有再至三至者焉而往過之則爲墟矣問之其鄰或曰噫刑戮也或曰身旣死而其子孫不能有也或曰死而歸之官也吾以是觀之非所謂食焉怠其事而得天殃者邪非強心以智而不足不擇其才之稱否而冒之者邪非多行可愧知其不可而強爲之者邪將

貴富難守薄功而厚饗之者邪抑豐悴有時一去一來而不可常者邪吾之心憫焉是故擇其力之可能者行焉樂富貴而悲貧賤我豈異於人哉又曰功大者其所以自奉也博妻與子皆養於我者也吾能薄而功小不有之可也又吾所謂勞力者若立吾家而力不足則心又勞也一身而二任焉雖聖者不可能也愈始聞而惑之又從而思之蓋賢者也蓋所謂獨善其身者也然吾有譏焉謂其自爲也過多其爲人也過少其學楊朱之道者邪楊之道不肯拔我一毛而利天下而夫人以有家爲勞心不肯一動其心以畜其妻子其肯勞其心以爲人乎哉雖然其賢於世之患不得之而患失之者以濟其生之欲貪邪而亡道以喪其身者其亦遠矣又其言有可以警余者故余爲之傳而自鑒焉

五箴 并序

人患不知其過既知之不能改是無勇也余生三十有八年髮之短者日益白齒之搖者日益脫聰明不及於前時道德日負於初心其不至於君子而卒爲小人也昭昭矣作五箴以訟其惡云

游箴

余少之時將求多能蚤夜孜孜余今之時既飽而嬉蚤夜以無爲嗚呼余乎其無知乎君子之棄而小人之歸乎

言箴

不知言之人烏可與言知言之人默焉而其意已傳幕中之辯人反以汝爲叛臺中之評人反以汝爲傾汝不懲邪而嗷嗷以害其生邪

行箴

行與義乖言與法違後雖無害汝可以悔行也無邪言也無頰音禾切死而不死汝悔而何宜悔而休汝惡曷瘳宜休而悔汝善安在悔不可追悔不可爲思而斯得汝則弗思

好惡箴

無善而好不觀其道無悖而惡不詳其故前之所好今見其尤從也爲比捨也爲離前之所惡今見其臧從也爲愧捨也爲狂維離維比維狂維愧於身不祥於德不義不義不祥維惡之大幾如是爲而不顛沛齒之尚少庸有不思今其老矣不慎胡爲

知名箴

內不足者急於人知需焉有餘厥聞四馳今日告汝知名之法勿病無聞病其曄曄昔者子路惟恐有聞赫然千載德譽愈尊矜汝文章負汝言語乘人不能揜以自取汝非其父汝非其師不請而教誰云不欺欺以賈音憎揜以媒怨汝曾不寤以及於難小人在辱亦克知悔及其既寧終莫能戒既出汝心又銘汝前汝如不顧禍亦宜然

後漢三賢贊三首

王克者何會稽上虞本自元城爰來徙居師事班彪家貧

無書閱書於肆市肆是遊一見誦憶遂通衆流閉門潛思
論衡以修爲州治中自免歸歟同郡友人謝姓夷吾上書
薦之待詔公車以病不行年七十餘乃作養性一十六篇
肅宗之時終於永元

王符節信安定臨涇好學有志爲鄉人所輕憤世著論潛
夫是名述赦之篇以赦爲賊良民之甚其旨甚明皇甫度
遼聞至乃驚衣不及帶徒履出迎豈若鴈門問鴈呼卿不
仕終家吁嗟先生

仲長統公理山陽高平謂高幹有雄志而無雄才其後果
敗以此有聲儻敢言語默無常人以爲狂生州郡會召
稱疾不就著論見情初舉尚書郎後參丞相軍事卒不至
于榮論說古今發憤著書昌言是名友人繆襲稱其文章
足繼西京四十一終何其短邪嗚呼先生

諱辯

愈與李賀書勸賀舉進士賀舉進士有名與賀爭名者毀
之曰賀父名晉肅賀不舉進士爲是勸之舉者爲非聽者
不察也和而唱之同然一辭皇甫湜曰若不明白子與賀
且得罪愈曰然律曰二名不偏諱釋之者曰謂若言徵不
稱在言在不稱徵是也律曰不諱嫌名釋之者曰謂若禹
與甫丘與蒞之類是也今賀父名晉肅賀舉進士爲犯二
名律乎爲犯嫌名律乎父名晉肅子不得舉進士若父名
仁子不得爲人乎夫諱始於何時作法制以教天下者非

韓文
卷之十一
九
周公孔子歟周公作詩不諱孔子不偏諱二名春秋不譏
不諱嫌名康王釗之孫實爲昭王曾參之父名皙曾子不
諱昔周之時有騏期漢之時有杜度此其子宜如何諱將
諱其嫌遂諱其姓乎將不諱其嫌者乎漢諱武帝名徹爲
通不聞又諱車轍之轍爲某字也諱呂后名雉爲野鷄不
聞又諱治天下之治爲某字也今上章及詔不聞諱許勢
秉饑也惟宦官宮妾乃不敢言論及機以爲觸犯士君子
言語行事宜何所法守也今考之於經質之於律稽之以
國家之典賀舉進士爲可邪爲不可邪凡事父母得如曾
參可以無譏矣作人得如周公孔子亦可以止矣今世之
士不務行曾參周公孔子之行而諱親之名則務勝於曾
參周公孔子亦見其惑也夫周公孔子曾參卒不可勝勝
周公孔子曾參乃比於宦者宮妾則是宦者宮妾之孝於
其親賢於周公孔子曾參者耶

訟風伯

維茲之旱兮其誰之由我知其端兮風伯是尤山升雲兮
澤上氣雷鞭車兮電搖幟雨寢寢兮將墜風伯怒兮雲不
得止暘烏之仁兮念此下民閱其光兮不聞其神嗟風伯
兮其獨謂何我於爾兮豈有其他求其時兮修祀事羊甚
肥兮酒甚旨食足飽兮飲足醉風伯之怒兮誰使雲屏屏
兮吹使醱之氣將交兮吹使離之鑠之使氣不得化寒之
使雲不得施嗟爾風伯兮欲逃其罪又何辭上天孔明兮

有紀有綱我今上訟今其罪誰當天誅加今不可悔風伯
雖死兮人誰汝傷

伯夷訟

士之特立獨行適於義而已不顧人之是非皆豪傑之士
信道篤而自知明者也一家非之力行而不惑者寡矣至
於一國一州非之力行而不惑者蓋天下一人而已矣若
至於舉世非之力行而不惑者則千百年乃一人而已耳
若伯夷者窮天地亘萬世而不顧者也昭乎日月不足爲
明萃乎泰山不足爲高巍乎天地不足爲容也當殷之亡
周之興微子賢也抱祭器而去之武王周公聖也從天下
之賢士與天下之諸侯而往攻之未嘗聞有非之者也彼

伯夷叔齊者乃獨以爲不可殷既滅矣天下宗周彼二子
乃獨耻食其粟餓死而不顧繇是而言夫豈有求而爲哉
信道篤而自知明也今世之所謂士者一凡人譽之則自
以爲有餘一凡人沮之則自以爲不足彼獨非聖人而自
是如此夫聖人乃萬世之標準也余故曰若伯夷者特立
獨行窮天地亘萬世而不顧者也雖然微二子亂臣賊子
接跡於後世矣

韓文

卷之十一

十一

國

聖